

蟬

史

集

蟬史集卷之九

攜李穆希文纂

甲蟲類

龜

大戴禮云甲蟲三百六十而神龜為之長說文曰龜外骨  
內肉故篆龜从卍龜頭與卍同天地之性廣肩無椎古文  
作爾象其形也埤雅云龜舊也外骨內肉腸屬于首廣肩  
無椎與蛇交匹故龜與蛇合謂之玄武類從云龜不咽粟  
蓋龜善歲久能行氣導引其背微偃韓子謂之窮龜相法

以為強脊如龜有後之人也

爾雅云龜俯者靈

行頭

仰者謝

行頭

前奔諸果

甲前

後奔

諸獵

甲後

左倪不類

行頭

左庫

今江東

所

右倪不若

行頭

右庫

為右食甲

又曰一曰神龜二曰靈龜

三曰攝龜

四曰寶龜

五曰文龜

六曰筮龜

七曰山龜八曰澤龜九曰水龜十曰

火龜謂之十龜策傳云天龜曰靈屬地龜曰謝屬東龜

曰果屬西龜曰類屬南龜曰獵屬北龜曰若屬名曰六龜

藝文類聚曰北斗龜南辰龜五星龜八風龜日月龜二十

八宿龜九州龜玉龜謂之八龜又曰石龜泉龜祭龜江龜

河龜淮龜旱龜謂之九龜

周官龜人掌六龜之屬各有名物天龜曰靈屬天龜玄俯者靈也地龜曰繹屬地龜黃仰者繹也東龜曰果屬東龜青前奔果也西龜曰靄屬西龜白左倪靄也南龜曰獵屬南龜赤後奔獵也北龜曰若屬北龜黑右倪若也各以其方之色與其體辨之凡取龜用秋時攻龜用春時各以其物入于龜室若有祭祀則奉龜以徃

周官卜師掌開龜之四兆一曰方兆二曰功兆三曰義兆四曰弓兆凡卜事眡高揚火火以作龜致其墨凡卜辨龜之上下左右陰陽以授命龜者而詔相之

上仰也下俯也左左倪也右右倪也

倪也陰後奔也陽前奔也

周官筮氏掌共燋契以待卜事筮荆木也灼

龜用之燂即灼龜之木契即開龜之鑿三禮圖云龜以春灼前右夏灼前左秋灼後右冬灼後左

周官司常鳥隼為旗龜蛇為旒註云畫龜蛇取其能杆難避害也禮云發兵行將將鑽龜以決吉凶禮曰龜三千歲遊于卷耳之上或云千歲之龜巢于蓮葉游于卷耳之上六帖云龜百歲一尾千歲十尾二百歲為一總龜千歲曰五總龜龜策傳曰千歲一聚問無不知又曰龜千歲遊于蓮葉之上逸古今註云龜一名玄衣腎郵一名清江使者抱朴子曰千歲之龜五色具焉其額上兩骨起如角遊于蓮葉之上或在菁蕞之下又曰靈龜五色色似玉背陰面

陽上隆象天下平法地轉運應四時蛇頭龍頸左睛象日  
右睛象月知吉凶存亡之變又曰龜千歲能與人言

龜經曰龜生百歲故生鵲尾之上又曰龜有五色依時用  
之青龜之屬春宜用之西坐東向赤龜之屬夏宜用之北  
坐南向禮統曰神龜之象若云錦文運轉應四時

陸佃曰龜鰲皆隔津望郊故語曰龜思鰲望化書云牝牡  
之道龜龜相頤神交也鶴鶴相唳氣交也言龜雖與蛇合  
亦有以神交之者易云舍爾靈龜蓋龜有靈德伏匿而陸  
善潛而不至于養故古者蓋蓋皆為龜形于其上而大臣  
以貪墨坐廢者曰蓋蓋不飾也或曰龜睡無臭息氣從耳

出故善伏書曰九江納錫大龜昆命于元龜遺我大寶龜  
書云禹沉璧于洛神龜負書出于背上赤文朱字史記云  
禹治水時神龜負書出于洛其數皆九禹因作九疇即洛  
書也龜策傳云神龜出于江中長尺二寸每歲輸二十枚  
于太卜官太卜官以吉日別取其腹下甲龜千歲乃滿尺  
抃龜○本草云抃龜一名蠓龜小狹長尾腹下有橫折見  
蛇則夾而食之江東人呼為陵龜可療蛇毒筆談云龜者  
壽物養庭中可以愛玩尤宜畜山龜爾雅謂之抃龜腹下  
殼能開合者此龜不賴水陸地畜之不失其性能啖蛇蛇  
甚畏之

蝮龜○說文曰蝮龜以胃鳴本草云蝮蝮大龜也甲可以卜俗謂之茲夷蓋山龜之大者背上可負而行溯循之間甚多龜被人執剔取其肉則鳴吼如牛聲動山谷爾雅註曰涪陵郡出大龜綠中文似玳瑁俗呼靈龜一名靈蝮

秦龜○本草云秦龜即山中龜不入水者其形大小無定爾雅所謂山龜是也大者如碑趺食草根竹萌冬月歲土中至春出遊山谷人揭取其甲如蝮龜堪飭器物帶其前

鵝龜○一名瘡龜本草云生高山岩下身扁頭大嘴如鵝鳥故名鵝龜能治老瘡故曰瘡龜



鼈龜○水土風物志云鼈龜形薄頭喙似鷄指爪本華云  
鼈龜生海中頸足不能縮大者重十斤

三足龜○爾雅云龜三足賁山海經云大若山狂水出焉  
注于伊水中多三足龜賁其別名也

六眼龜○福建志曰興化龜洋山下池中出六眼龜文獻  
通考唐大定初虔州獲六眼龜一夕而失爾雅註疏云陽  
羨君山上有池池中出六眼龜宋太平興國及政和間俱  
獲六眼龜

金龜○宋太平興國間兗州衛州各獻金龜史云劉贊夢  
金龜文思大進

兩首龜○宋都水使者趙霆行兩得兩首龜

赤龜○燕相子之過魯津有赤龜嘶璋以獻或云此即爾雅所謂火龜是也生于火中而不畏火猶火鼠之類也

綠毛龜○一統志云蘄州西河井產綠毛龜大者重十錢小者重五錢極小者尤佳蓋甲上有綠毛茸生出水則歛入水則披拂如海苔然

神龜○文獻通考曰江使神龜于河至泉陽為漁者豫且所得龜見夢于元王王謀之術平平卜之曰殺龜以卜吉乃刺龜七十二鑽而無遺策

筮龜○按易云定天下之吉凶成天下之亹亹莫大乎蓍龜

著老也。龜舊也。故古者以龜卜。著筮。白虎通曰。著龜者。天地之間。壽考物也。故問之。龜象也。天產也。著。數也。地產也。周官卜人曰。凡卜筮。君占體。大夫占色。史占墨。卜人占坼。說文云。坼。龜坼也。龜灼之而坼。而後墨。與色可知。卜人史占坼。史占墨。次之。大夫色占。又次之。衆占。坼而後君占。坼以斷吉凶之序也。玉藻云。卜人定龜。史定墨。君定體。周官筮人曰。圓之。大事先筮。而後卜。龜策傳云。上有蒸著。下有伏龜。先儒曰。凡筮草生。滿百莖。上有雲氣。覆之下。有靈。龜守之。觀此。則知卜筮之相為用也。

藥龜。本草云。水中龜殼。可入藥。取鑽灼之多者。名漏天。

機一名敗龜板塗酥炙黃為末酒服療瘋疾丹溪朱氏曰  
龜板大有補陰之功蓋龜乃陰中至陰之物稟北方之氣  
而生故能補陰

異龜○述異記云堯時越裳獻千歲龜龜背有斜斗文記  
開闢以來事帝錄之辨龜曆

岩蛇○蟬史云岩蛇一名頰蛇甲虫也被甲似龜而稍匾  
尾類蛇長四五寸鵝頭鷹喙堅如鉄石四足似龜稍長常  
隱伏岩下身極臭腥咯咯作聲人以鐵鋤撲之能驚鐵使  
柔疑此即鵝魚也然考之古典並無此物姑存記之

龜鼈○本草云龜鼈形如笠四足漫胡無指其甲有黑珠

文彩一如瑤琨但薄而色淺不堪作器唯堪貼飾爾今人謂之鼈皮說文云鼈鼈似龜屬也頭有兩角出遼東鼈鼈○水土物志云鼈鼈與龜鼈相類而大生乳海邊沙中肉極美多膏中啖

瑤琨

本草圖經云瑤琨生嶺南山水間魚之類也惟背甲上皆有紅點班文大者如盤入藥須生者佩之可以辟蟲毒遇飲食有毒則必自搖死者則不能動矣今人多取以作器血明潤光彩可愛或云收得此物者以鞭箠其殼使其血凝方有光彩陳士良曰瑤琨身似龜形翦如鸚鵡草木子

曰物之牝牡一生不再交者虎也鴛央也玳瑁也

汲冢周書云正南旣鄧柱國請以珠璣瑤琨象齒文犀翠羽茵鶴短狗為獻埤雅曰璣瑁乳卵大如彈丸望卵而產一如龜鱉名曰獲卵

鱉

埤雅曰鱉以眼聰窮脊連脅甲蟲也水居陸生魚滿三百六十則龍為之長而引飛出水內有鱉則魚不復去故鱉一名神守細腰純椎大腰純雌細腰蜂蟄之屬大腰龜鱉之屬以蛇為椎本草會編云南人魚池中多畜鱉令魚不隨霧起草木子曰鱉無耳為守神羅氏曰鱉卵生形圓而

脊窮四周有裙易雜為鯿為鱉為魚以其骨在外肉在內也古今註云鯿為河北後事

荀子曰跬步不休跛鯿千里言鯿行踟躕而又跛焉今能卒致千里則亦不輟焉爾詩曰魚鼈膾鯿言熟則有魚鼈腥則有膾鯿也雜俎曰甲蟲影伏羽蟲伏今鼈伏于淵而郊剖于陸此思化也內典曰鵲影生鯿思生是則思生又與影伏異矣世云鯿伏隨日朝首東向夕首西向也又云鯿之所在其上必有浮沫謂之鯿津捕者以此得之易林曰龜鳴岐野鯿應于泉燕山錄云煮羊以鼈煮鯿以蚊蓋物之相感如此養生襟纂曰鯿不可與雞子雞肉莧菜

同食周官鱉人掌取互物以時籍魚鱉龜蜃凡狸物春獻  
鱉魚註云互物謂有甲介者籍取也刺于泥中以取狸藏  
之物春謂子丑寅之月秋謂午未申之月凡此皆以避其  
生育之時汲冢周書云長沙鱉童藥註云長沙之鱉特大  
而美故貢養生雜纂曰鱉係四足狀如神龜宜放不宜食  
六甲日弗食鱉四目者獨自者白目者赤足者三足者腹  
下有小字王字天字者領下有軟骨如龜形者頭足不能  
縮者目凹陷者皆不可食三元參贊曰鱉居水底性甚冷  
肉能補陰又能補氣

能如來切說部  
能如登切



爾雅云龜三足貴鰲三足能部註云吳興陽羨山上有池  
出三足鰲六眼龜山海經云從山多三足鰲大若山多三  
足龜皆岐尾部註云有鰲三足有龜六眸國語云堯殛鯀  
于羽山其神化為黃熊以入羽淵左傳作黃熊或作鹿熊  
之能蓋熊與能皆陸獸非也入于羽淵信鰲類也

鰲一作鰲

韻府群玉云鰲海中大鰲也格物論云鰲大鰲也其形最  
顯列子所謂斷鰲足以立四極者是也

鰲似鰲無裙頭足不縮食之令人昏塞  
魚名亦

朱鰲○南越志云朱鰲出珠山海經云珠鰲之魚其狀如

肺有四目六足而吐珠呂氏春秋曰醴水之魚名曰朱鰲  
六足有珠百石註云有珠如鮫皮也本草云朱鰲人帶之  
主刀刃不傷

予○雜俎云蛇頭鰲身入水綠樹木生嶺南南人謂之予  
其膏至滑利銅瓦器貯浸出唯雞卵殼盛之不漏廣州記  
云予水宿亦木棲蛇頭鰲身

鰲

埤雅云鰲大鰲也濶一丈鰲以為雅鰲鳴而鰲應所謂雄  
虫鳴于上風雌虫鳴于下風而風化即此類也淮南子曰  
燒鰲致鰲此以其類求之舊云鰲亦思化其時得火可以

然缺今鼃亦水居陸產如鴛如伏影而化

羅氏曰龜鱉以蛇為雄今鼃反以鱉為雄故曰鼃鳴鱉應  
鼃好自暴其腹于江岸漁人伺便掣之倉卒不能自反乃  
為所制本草曰鼃大者濶一二尺老者能變化為魅肉有  
五色而白多至難死別其肉盡頭猶咬物

蟬史云鼃似鱉而大頭有疣搭名癩頭鼃極有力善攻岸  
人以鈎索釣之鼃吞鈎必任其曳舟而走俟力盡乃得之  
拾遺記曰禹濟巨涘鼃羅為梁陸佃曰此與黃帝以虎豹  
為前驅鴈鴟為旂幟無異皆德之所感未足為怪也國語  
云周幽王時龍絜化為玄鼃入宮女身逐產褒姒以三國

蟹

廣雅曰蟹惟曰娘螯惟曰轉帶埤雅曰蟹殼堅而脆團臍者北尖臍者牡也月黑則肥月明則瘦外骨內肉旁行故曰旁蟹梓人註云却行蚓屬旁行蟹屬是也易曰離為蟹言離卦外剛內柔而性又火躁故為蟹也荀子曰蟹六跪而二螯非蛇鱗之穴無所寄託者用心躁也太玄曰蟹之郭索用心躁也螯是蟹鉗蓋其兵也所以自衛造化權輿曰龍易骨蛇易皮麋鹿易角蟹易螯折其螯足隨沒更生羅氏曰蟹八跪二螯八足折而容俯故曰跪而螯居而容仰故曰螯字从解者以隨潮解甲也殼上多作十二點深

臘脂色如鯉之三十六鱗其腹中虛實應月之盛衰以辨  
大小為雄雌其類甚多其性甚寒

汪機曰蟹之大者箱角兩出足節屈曲行則旁橫每至夏  
末秋初如蟬蛻殼故曰蟹

抱朴子曰山中辰日稱無腸公子者蟹也蟹譜云吳侏侏  
蝦甚蟹亂之說取其披堅執銳也故或蟹眼至以為有兵  
之兆又曰出師下岩之際忽見蟹稱為橫行介士或云蟹  
無腸故畏雷霆醜蟹若以火照之則蟹膏成沙矣

俛玄蟹譜絕論曰蟹水虫也以其外骨則曰介虫取其橫  
行則曰螃蟹本草云蟹入洞六年深者化而為石名石蟹

取以點目最良或曰乃多年水沫相着化而為石每遇海潮即飄去陸龜象曰蟹水族之微者其為虫也有籍見于禮記載于國語大司詞晉春秋勸學等篇考于易象為介類與魚鱗剛其外者皆乾之屬也唯左氏紀其為蟹三元書曰蝘蟬有虎斑文者名虎蟬小者名黃甲赤蟹曰蟹雜非集云石蚶截小蟹也會編云潤殼而黃者名蝘蟹生南海中其螯最銳周官庖人註云若青州之蟹晉說文曰胥蟹醢也禮記云梓人為筭筭別斂小蟲蟹屬以為雕琢註云刻畫祭器博庶物也疏云今人謂之螃蟹以其側行也呂元云海商言海中龜鼈島之東一島多蟹種類甚

多異有虎頭者有翅能飛者有能捕魚者有殼大蒸赤者  
會稽有螻蛄蟹皆化為鼠

本草云蟹性敗漆燒之致鼠故今人以蟹膏塗漆瘡器具  
有漆者蟹過之輒解故淮南子曰蟹見漆而不乾

汲冢周書云海陽大蟹車葉註云海水之陽一蟹盈車  
星曆家以未宮為巨蟹宮稱為卯索者多足貌也

本草曰蟹目相向者直行者赤目者斑足者獨螯者獨目  
者六足四足者殼似人面者腹下有毛腹中有骨背及頭  
上有星點者俱不可食

蟬史云蟹之種類甚多而形狀迥異為世所稱者蝓蟬稻

蟹其選也古今書記多混而無別如呂亢言蝓蚌有毛蔡  
謨言蝓蚌害命桀步擁劍一種也而又今之蝓蚌蝓蟻異  
類也而反合之他如含芒輪海止稱蟹為然隨潮退殼止  
然蟹為然今混稱妄註寔為格物者之病今以的見形狀  
條列于左

蝓蚌○一名蝓蟻一名黃甲蟹之最巨者殼廣而無斑螯  
負而無毛殼有兩尖橫出與紫蟻相類而螯八足後兩足  
區而俯名曰撲掉子春夏在水中秋末冬初深穴于泥中  
掘之必得一雙名曰對蟹大者如升小者如堞蟹味唯此  
最佳本草拾遺曰蝓蚌大者能與虎鬪虎不如也本草會



編云今海邊蝓蚌大者不止一尺未聞能與虎鬥也鳧老  
谷云明越間四時有蝓蚌重者踰數斤其小而黃謂之石  
蝓蚌肉硬或云蝓蚌一名蠟澗殼而多黃兩螯最銳斷物  
如芟刈焉

紫蟹○一名子蟹一名白蟹殼似蝓蚌足亦有撒棹子但  
殼上有臘脂斑點不比蝓蚌之純青色耳螯直而長有稜  
如削隨潮退殼一退一長螯及無毛又名蟬蟹四五月蟹  
下懷子如栗而細名曰蟹子土人珍之或曰紫蟹殼似蝓  
蚌而淺脚似蝓蚌而短螯似蝓蚌而直腹似蝓蚌而瘦其  
味非比蝓蚌抑亦不及稻蟹也三元參贊曰蝓蚌有虎斑

文者名虎蟬即此是也

稻蟹○設負而小上有凹紋大者不過半斤螯上細毛如苔脚亦有毛俗呼螃蟹維海最多而燕嘉亦有之春夏穴於沮洳淺水中八九月稍熟必大出各持一穗以朝其魁然後從其所之晝夜沸奔自江轉海或謂持稻以輸海神漁人伺其出水拾之夜則以燈照捕陸佃曰蟹八月腹內有芒俗謂含之以輸海神蓋輸芒後方可食

推劍○蟹之小者一螯大而長赤斑色一螯短而白色形類螿越生海塗上以大螯聞以小螯取食螿足無毛又名架走又名合捕又名竭朴又名執火蟹以其火螯赤色以

執火其穴曲直宛轉穴口作泥園以障水海人春之作醬  
名蟹醬乃蟹之下品也或云擁劍以大螯障目以小螯取  
食

彭蠡○一名彭越舊傳漢醢彭越賜九江王布布不知而  
食俄覺而哇出于江中化為蟹而去似彭蠡而小無毛穴  
直易取爾雅所謂螿蠶搜神記所謂長卿者是也

彭蠡○色赤而小似彭越而有毛或云黑班而有文章今  
所見者無班但赤色耳味腥膏薄食之令人泄瀉本草會  
編曰螿蠶處處有之鄉付間取為常食名其螿為鶯哥嘴  
炒蟹○似螿蠶而匾小兩螯青色勾曲生海塗中殼黑而

通体有毛可啖吕亢曰一名沙狗似彭蜺壞沙為穴見人則走屈曲易道不可得

招潮○一名望潮吕亢曰殼白色居則背穴外向潮欲來舉螯如望失常期汪棧曰招潮子潮將至而出穴舉螯迎潮海物異名記云招潮子蟹之小者舉螯望潮

數丸○似彭涓斅取主作丸滿三百而潮至

螭奴○蟹之最下者似螭而大螭殼中居為螭所食

石蟹○生海岩間大者如錢小者如指黑色人取食之

蘆邊蟹○又名蘆區蟹生水中心頗類蝓蚌而極小

蘆虎○似彭越兩螯正杰不可食

百足蟹○善苑國出百足長九尺四螯煎為膠膠謂之螯  
膠膠鳳喙膠也洞冥記云善化國貢蟹九尺百足四螯  
糖蟹○襟姐云平原郡貢糖蟹採于河間界每年生貢斷  
冰火照懸老犬肉蟹覺老犬肉即浮因取之一枚直百金  
以氈密束于驛馬馳至京師

蛻○似蟹六足 比蟹○似蟹四足俱大毒不可食

蟹

蟬史云蟹眼在背上口在腹下其血碧色雌大雄小雌常  
負雄而行若無牝則死漁者拾之必得其雙海中群行輒  
相積于背高尺餘如仇乘風而遊其蔽伏沙上亦輒飛躍

常遠行蹟數步如兔探踪青黑色十二足似蟹其腸一直  
無曲腹中有子如粟而大四五月間肥中食土人醢之殼  
上有尾如矛常偃高七八寸每遇風至則舉扇風行俗呼  
蟹帆舊云視鷹創柁視蟹制帆倣魚造櫓效鱗設纜是也  
皮殼甚堅其腸甚腥臭醢時去之和以糟醬段成式所謂  
蟹醬是也性畏蚊蚊小螫之即死暴之日中無恙隙亮稍  
射之即死

嶺表錄異云雄小雌大置之水中雄浮雌沉燒其脂可致  
鼠寧波志云蟹形如覆斗青褐色十二足長五六寸廣如  
之尾長二三尺其殼堅硬腰間橫紋一線軟可屈摺每一

屈一行口是皆在慶斗之下草木子曰蟹雄者多兩殼可  
為刺尾可為小如意也番禺襟記云蟹象如牌後亦名蟹  
牌瑣碎錄云蟹小而黑者名曰鬼蟹食之害人

蝦江○蟬史云蝦江似蟹而小十二腳

蟹奴○桂萱錄云海上有蟹大如錢腹下又有十蟹名曰  
蟹奴

千人捏○襟姐曰千人捏形似蟹大如錢殼甚固壯夫極  
力捏之不死俗云千人捏不死因名焉

海月○寧波志云海月形負似月亦名海鏡又名沙鏡土  
人鱗次之為天憲水土物志云海月大如鏡白色正負常

死海邊体如榆筴瑩然明潤蟬史云蓋璣珞相類而腹中無蟹也陳藏器曰海月乃水沫所化煮時猶變為水海蛤類也江賦云雪布餘糧星離沙鏡註云沙鏡色似雲母形如蚌而中有肉取其殼以飭窓櫺

璣珞○蟬史云璣珞一名璣珞一名海鏡似蚌腹下有小蟹為璣珞出求食蟹或不至則璣珞餓死呼蟹為蟹奴錄異云海鏡似蚌中有紅蟹子小如荳海鏡飢則蟹出拾食蟹飽則海鏡亦得飽蟹飢則海鏡亦飢萬花谷云海鏡廣人呼為青葉盤兩片合成殼負中瑩滑逼之以火即蟹子出立斃生剖之蟹子活遂巡亦死與海月一般南越志云



璅瑁長寸餘大者長二三寸腹有蟹子如榆莢合体共生  
蟹為瑁出求食草木子曰物有相資以生者璅瑁腹蟹是  
也物有相待以動者水母貝蝦是也

寄居○草木子曰寄居一名寄生殼如蝸而大一頭螺蛤

也小蟹寄在殼內常候螺開出食螺欲合遽入殼中

寄居生明越東海中殼如貝子而尖底旋繞岩洞邊有之  
或云螺蛤無肉蟹即是其肉也常帶殼而走未嘗脫却殼  
云一種有小蜘蛛入螺殼中負殼而走亦名寄居皆其類也陶弘景曰海邊有一物似

蝸牛有殼以火灸之便出走食之益顏色名曰寄居

蚌一作

埤雅云鶯孚乳以夏蚌孚乳以秋襍姐云蚌聞雷聲則疾

或作喇其孕珠若懷孕然故謂之珠胎與月盈胸淮南子  
所謂日至而麋鹿角解月死而螺蚌懸者是也墨子曰周  
之靈蛙出于土石楚之明月生于蚌蜃蓋物有非其類而  
化者牡蠣蚌蛤無陰陽化牡須雀蛤以化故蚌之久者能  
生珠專一于陰也易曰離為螺為蚌蓋螺之形銳蚌之形  
刺皆外剛內柔而性又善麗故也說文云蚌類一種名曰  
蠃一種名曰蠃皆出海中可食

筆談云月虧而蚌蛤消露下而蛟喙解蘓子美云老蚌吸  
明月降胎水犀望星星入角龍門子曰象以牙而見搗蚌  
以珠而剖腹蘓東坡曰翠以羽而斲身蚌以珠而破腹

抱朴子曰珠徑寸已上可服酪漿漬之皆化為水銀亦可  
以浮石水蜂窠化包形蛇黃合之可引長三四尺丸服  
之能穀長生嶺表錄異云廉海有洲島島中有珠池其底  
與海通每年修真珠戶入池皆採老蚌珠如宛莖如彈丸  
者亦有之其殼名珠牡又名珠母可斲削成釵釧

蟬史云蚌似蛤而長江海溪湖皆有之惟廬州海中者孕  
珠名珠母一名方諸本草會編云方諸大蚌也向月取之  
得三二合水朝露也陽燧向日方諸向月皆能致水火也  
一統志云合浦東海中有平江等池產珠蛋人採之極難  
每以長繩繫腰入水取蚌置藍田則振繩令舟人汲取之

偶遇惡魚一線之血浮水則噬魚腹矣。敘宗奭曰：河北塘  
樂中亦有珠母，與廬州者不相類。清水急流處，其色光白。  
水濁及不流處，其色暗。欲穿頂，得金剛鑽之，史益嘗為  
合浦守，初合浦有珠，為守貪珠，乃徙往交趾，界自嘗脩政  
珠乃再還合浦。

蛤

蟬史云：蛤蚌屬其類，甚多。海中最大者名曰蜃，能吐氣成  
樓臺，小而紫斑。文者曰文蛤，兩頭尖者名齊蛤，皆厚殼而  
形似蚌，生海中。爾雅云：蚌，含漿。註云：即蜃也。蓋形醜，故郭  
氏合言之。其蛤州車螯另條。汲冢周書會解云：且甌文蜃。

註云且甌在越文蜃大蛤也又曰東越海蛤註云東越海際貢文蛤月令云九月雀入大水為蛤十月雉入大水為蜃方氏曰雀孔子而集以春雉求雌而雉以朝皆陽類也蛤蜃陰類也成亥者陰之極也故陽為陰所化物理固如周官春獸繫蜃秋獻龜魚又掌蜃掌歛互物蜃物以共鬯壙之蜃祭祀共蜃氣之蜃共白蜃之蜃禮記云掌蜃供白盛之蜃註云謂蜃灰飾墻使白也

崇有論云蛤蜃無賦海物異名記云蜃布泥有疆界其蒸氣也為樓陶隱居曰遠志畏蜃蛤海人食之一種名三蛟亦其類也汪拱云白殼紫蜃蛤之大者乃雀入水所化

番禺襍錄云番禺每天雷大蛤從空而下名曰天蛤

蛤蜊

蛤負者名蛤蜊俗呼負蛤似蜆而大生海中唐時明州歲貢蚌蛤淡菜蛤即蛤蜊也凡蛤蜊皆性冷草木子云蛤蜊候風而能以殼為翅飛

車螯

本草云車螯亦名蜃大蛤也其殼甚厚生海中殼可製器食療本草云車螯蝟螯類不可多食此疑車螯為蟹螯之誤蟬史云車螯唇厚而白特偃而斑紫錦交錯其肉美中食疑即文蛤是也東坡謂車螯即魁蛤誤矣亦能吐氣成樓

臺蛤之類也。蓋班蛤謂之車螯，毛蛤謂之城蜺，尖蛤謂之齊蛤，負蛤謂之蛤蜊，大蛤謂之蜃，小蛤謂之蜃薄，蛤謂之蚌。稜蛤謂之蚌，蓋形畧少殊，故名亦不一也。汲冢周書言且甌，獻文蜃即車螯也。

城蜺 ○陳藏器云：城蜺一名生蜺，似蛤有毛，長而匾，又名毛蛤。襍俎所謂在蠟蜺子，新烏賊，錫臙蜺子，即城蜺也。

黃蛤 ○蟬史云：黃蛤色黃，蛤之類，最小者也。生海塗中，一潮生一暈，殼有黃文。海人取其苗，養于塗泥中，候其長而取，貨于市，殼薄如指甲形，雖細小而味甚甘，美土人珍之。白蚌 ○蟬史云：白蛤似黃蛤而白色，殼硬而厚，非比黃蛤。

之薄而脆也味之下者

蚌

爾雅云魁陸註云魁狀如海蛤負而厚外有理縱橫即今之蚌也海物志云蚌一名天齒本草云一名魁蛤一名魁陸一名瓦壠子說文曰干歲燕化為海蛤伏翼化為魁蛤魁蛤一名伏老耒有文彩形似紡軋亦能盛丹石毒蟬史云今海濱人取其苗養于塗泥中俟其大乃貨于市

嶺表錄異云蚌蚌蛤類也瓦殼中有肉紫色盧尚書移鎮南改為瓦壠子以其殼上有稜如瓦壠子侯鯖錄云瓦壠鎖殼渾沌錢文如建甌外眉而內渠名曰瓦壠或曰眉謂



高為眉渠謂蛎為渠即魁陸也襍俎云鼎俎之味有蟹螯  
細螺紫醬蚶醬

### 淡菜

食療本草云淡菜一名殼菜似馬刀而厚生東海岩上其  
肉如人牝故又名海牝肉大者生珠肉中有毛肉有紅白  
二種其味性溫補五臟理腰脚益陽事陳藏器曰淡菜一  
名東海夫人生東海似珠母一頭尖中含小毛

煙○煙生海塗中穴居似馬刀而殼薄長二三寸大如梅  
拍外殼內肉俗呼靖子其性甚寒能消渴飯後食之佳  
玳○爾雅云蜃小者玳部云即海中小蚌也璞江賦云玉

玳海月吐肉石華一名馬甲柱又名江瑤柱土人呼為殼  
大頭每年三月十四十五日採之余時罕有以其為珍絕  
佳味也海物異名記云江玳柱馭甲美如瑤玉肉桂膚襍  
俎云玳似蚌長二寸廣五寸殼中柱炙之如牛頭腦項蟬  
史云玳如小兒臂肉味美

馬刀

爾雅曰螿蠃郭註云今江東呼蚌狹而長者為蠃即馬刀  
也本草云一名馬蛤陶隱居云生江漢中長六七寸漢間  
人呼單燒肉可食掌本草註云生江湖中細長小蚌也長  
三四寸闊五六分一名螿蠃生淡水中非海物也冠宗奭

曰馬刀京師謂之撞岸今人亦云撞岸生泥漬沙溪中行沙有跡人驗取之一種頭尖而長者名金尖刀亦其類也

本草圖經云馬刀蚌類也

周官鶩人掌取互物互物節節者祭祀共廩廩羸羸蚘蚘以投醢醢又

蜺

本草云蜺冷無毒陳藏器曰蜺小于蛤蚧生淡泊沙水中候大風雨能以殼為翅飛

田螺

蟬史云螺一作蝨一作羸蓋螺類最多而田螺其一也不特生于田中湖澤陂泥中亦有之形負瓦銳大者如梨橘

小者如梅李其性太寒秋冬多有水蛭入腹中須去之方可食襍記云公輸般見蠶出頭以足躡之蠶閉其戶終不可開因効之作門戶東方朔曰以管窺天以蠶測海

蝨螺

蟬史云蝨螺似田螺而小形頗銳生江河溪澗中以杭州西湖中者底脆為美生海塗者名海蝨形最小而尖肉綠色味美而香名曰香蝨以其形似釘亦名丁螺味皆太寒本草云蝸籬人食之明目陳氏曰蝸籬名蝨螺小于田螺上有稜主明目蟬史云海蝨生海塗中有人曾見其群變為蜃飛去或云海蝨能高跳丈許蓋遷其處也

海螺

鱗史云海螺甚多形狀不等有研螺有甲香螺有鸚鵡螺有珠螺有梭螺有鑽螺有刺螺有辣螺有泥螺有白螺俱生海塗中或岩石上而惟研螺為大殼內肉皆可食但無味耳

研螺○即海螺大者如斗小者如拳光潤可以研紙故名珠螺○似研螺而大瑩潔如珠故名一名鈿螺韻會云鈿螺光彩可飾鏡背色如珠母新削可成釵鈿

鸚鵡螺○異物志云鸚鵡螺狀如覆盃頭如鳥頭向其腹可為酒盃已上三種俱出廣南海上

甲香螺○一名拳螺以其如拳也一名鑽螺以其尖似鑽也灰白色生海山沙石邊其蟹可入合香南州異物志云甲香螺大者如甌面前一邊直挽長數寸圍殼疽蟾有刺其蟹襍衆香燒之益芳獨燒則臭一名流螺本草云形如小兒拳青黃色長四五寸廣州記云甲香若龜蟹之類南人食之一名香螺或云蟹白而香

鑽螺○似甲香而頂銳如鑽大者夜有光

梭螺○海螺如梭者又名梭尾螺今釋革所吹者是也

刺螺○形似甲香而黑色每層稜上有毛刺

辣螺○味辛故名一名蓼螺群玉云蓼螺味辛如蓼

劍螺○海螺似劍者

班螺○群玉云又名紫其螺紫色有班文

蝸螺○陳棣器曰蝸螺形小而後稷至雞死在泥不在水  
誤泥在壁中三十年尤活能伏氣飲露非海中螺見于此

白螺○形似田螺而白色生海塗中

泥螺○俗呼土鉄寧波府志云土鉄生海塗中酷似蝸螺  
而畧大殼薄無稜曰五月生于泥中人取而醃之其肉有  
涎如涕浙人重之秋取者味不美矣

肘子○寧波府志云肘子口似寄居螺而底無旋繞如尖  
底小酒盞螺之類中有肉上有鱗膏屎皆在尖尖有小竅

肉可為饌俗呼殼為胭脂殼以其可以盛胭脂也

### 蝸牛

爾雅云蝸羸蝸蝸註云即蝸牛也孫炎正義以為蝸牛負螺而行因以名之古今註云蝸牛陵螺也形似蝸蝸殼似小螺熱則自懸于葉下好居下濕墻壁畔野人為負舍如蝸牛之殼故曰蝸舍又曰蝸居言其窄也

聞見錄云陰濕之下虫多蝸羸每循墻上并掉首弓腰盤礴委曲搢搢矻矻必求前進未半途則沫既涎窮精潰力竭畢竟粘壁而枯羅氏曰蝸似小羸白色生池澤草木間頭有兩角故以牛名行則出驚則縮首尾俱能藏入殼中



盛夏日出則自懸樹葉下

蟬史云蝸牛即蛻蟬也無殼者謂之蛻蟬有殼者謂之蛻蟬狀如小螺常負殼而行驚則縮入殼中如螺閉戶其肉中醢故內則之蝸醢是也頭有四角故曰牛俗傳蝸涎規蠍蠍每披蝸牛所食先以涎畫地規之蠍不能去在水者名水蝸牛俗呼鬼蛻螺乃水沫所化也或云蜈蚣經蝸涎足脫而死

貝

埤雅曰貝中肉如科斗而有首尾以其背用故謂之貝貝背也相貝有經爾雅曰貝居陸賤在水者蛻水陸異名也大者

鮫者大傳曰大貝如車小者鮫今細貝亦有紫玄貝貽貝

黑色貝也汲冢周餘賦黃白文以黃為質餘泉白黃文以

青所首去貝是也為質黃肥憚而頰頰者中央

為文燕蚘憚而頰頰者中央蚘大而險險者謂蟻小而精

謂依而長楸交州記云大貝出日南如酒杯小貝貝齒也

潔白如魚齒故名貝齒畫家用以研紙東方朔曰齒如編

貝陸氏曰貝之類極多古人以為寶貨而紫貝尤為世所

寶紫貝紫為質黑為文點今世多賤之小者名貝齒可以飾軍容服

物本草圖經云儋耳黎蛮及雲南人取以貨易市物

汲冢周書曰共人玄貝註云共人吳越之蛮也玄貝照貝

也周成王時言共說文曰貝海介虫也六韜曰文王囚羸

聖散宜生得大貝如車渠百朋以獻得免樂書曰南蠻國  
出堯貝吹以助梵樂音大可容數斗陸佃曰古者貨貝而  
寶龜周有帛布之名至秦廢貝行錢詩曰五貝為朋漢食  
貨志云大貝牝貝公貝小貝不成貝此五種其中以相與  
為朋非總五貝為一朋也蓋獸二為友貝二為朋詩云錫  
我百朋言錫貝之多也書曰厥篚織貝又曰文具仍九詩  
曰萋兮斐兮成是貝錦錦之如貝謂之貝錦

石決明

草木子曰石決明海中大螺也生南海崖石上泗水取之  
采其不知用力一撈則得苟其知覺雖斧鑿亦不脫矣

圖經云石決明生南海或以為紫貝或以為鮫魚甲

按紫貝即

今研螺古人用為貨幣者強非此類石決明大如手小如  
如三兩指海人散其肉取其殼漬水洗眼七孔九孔者良  
十孔者不佳此物能治目故曰決明

海縑筐○蟬史云石決明之類也但決明堅而此物殼甚

脆易碎背多癰瘰如蟾皮蒼黑色中有肉兩頭軟麤出其  
肉兩頭穿小兒取其殼為戲其形負而稍匾如縑筐然故  
曰海縑筐

活東○本草云活東出萊州形負長似大腹賓榔兩頭有  
孔疑即此物也

珂○蟬史云珂貝類也大如鮫皮黃黑而骨白堪為馬飾

生南海唐張嘉貞里曰鳴珂里者古所以為佩故曰鳴珂  
雷公曰珂須冬採得色白膩者并有白旋水文乃佳

螞

蟬史云螞一名蟻附物而生硯礪相連故名螞房初生海  
邊如拳石四面漸長有一二丈者巖岩如山每一房內有  
一肉肉之大小隨房所生大者如馬蹄小房如人指每潮  
來諸房皆開有小虫入則合之以充腹海人取之皆鑿房  
挑取其肉其肉如蜆肉而大俗傳螞房左頤為壯右頤為  
牝襟姐云壯螞言壯非謂雄也或云以尖頭為左頤大抵  
以大者為貴十一月採左頤者入藥令人食之細肌膚美

顏色海族之可貴者也又云介燕作牡蠣是鹹水結成也  
陶隱居曰牡蠣皆以口向上腹向南視之口邪向東則是  
牡蠣而非牡也或云是百年鵬所化寧波志云一名蠔山  
奉化鮫琦海岩生者僅如人指面挑取肉謂之梅花蠣扈  
竹上結成者謂之竹蠣

蝓○蟬史云蝓生海中石上或扈竹上蝓蝓之屬也形如  
蝓房小孔中又有一小殼

蝓○蟬史云蝓殼如決明一邊着石一邊開合于海潮中  
其殼充明可愛

蛙○蟬史云蛙一名石蛙形如龜脚故又名龜脚群玉云

東海有紫蛙南越志云石蛙生石上形如龜脚得春雨則生紫綠色首如指爪下有柱着石上柱間有肉可食一名渠脚或云石蛙即石華石華是石上所生草如海苔之類乃石蛙所吐肉也



諸虫類

蠶

一作蚕

埤雅曰蚕陽物也惡水濕蚕與桑同生于三月故曰春蚕  
再蚕謂之原蚕一名魏蚕俗呼夏蚕先王之法禁馬淮南  
子曰原蚕再登非不利也然王者之法禁之為其殘葉也  
蚕與馬同氣今蚕背負馬足跡是六一驗蓋物莫能兩大  
禁原蚕者又為其害馬也殘葉害馬是以禁之自世教衰



先王之法不行民間至有三蚕者無惟桑弱而馬耗也  
蟬史云世傳蚕乃馬化故背負馬跡蛻脫殼時頭如馬今  
人祭馬頭娘名馬面菩薩即其神也鄭氏曰蚕為龍精月  
直大火則浴其種今人以鹽水沃其種謂之騰蚕其蚕為  
上不浴者名曰火蚕次之繭者黃白二色綠色者亦有之  
爾雅曰蠶桑繭雖由樗繭棘繭藥繭蚘繭繭部註云皆蚕  
類蓋因所食之葉而異其名也

埤雅云按爾雅什蟲云蠶羅也什草云莪蘿也蓋蠶所以  
生蚕莪亦所以覆而出之此莪亦謂之羅與又曰繭生蠶  
蛾生如博物志曰食葉者有緒而蠶九疋類先孕而後交

蓋蛹者蚕之所化蛾者蛹之所化荀子曰蛹以為母蚕以為父是也蛹一名蠅蛾一名羅孫炎云蠅即雄蛹即雌羅即雄蛾即雌

蟬史云蟄如小蝶有翼而不飛兩眉如畫故詩云螭首蠶眉曾子固詩云美人座上揚雙蛾

按蚕書云柘葉飼蚕其絲作琴瑟弦清鳴響亮過于凡絲又曰飼蚕勿用雨露濕葉蓋蚕性惡濕故禮云桑子公桑風戾以食之也今俗飼蚕以葉洒之欲其勻厚故古者王親耕三推而止王后親蚕三洒而止蓋蚕所吐為忽十忽為絲五絲為緝十絲為升二十絲為絨四十絲為紵八十

絲為總詩云素絲五緘又曰五總其絲其數蓋如此太玄  
曰紅○蚕緣于枯桑其繭不黃蓋蚕足于葉三俯三起二十  
七日而蚕已老則紅故謂之紅蚕蚕以繭自衣亦謂之室  
焦貢易林云飢蚕作室是也蚕俯曰眠眠時不食桑柘經  
一晝夜而蛻殼蚕有三眠者有四眠者

寇宗奭曰再蚕名原蚕原蚕者原漢敏捷之義也本草云  
蚕屎名蚕沙蚕眠所退殼名蚕褪又名蚕退拾遺記曰負  
嶠山有冰蚕長七寸黑色有鱗角以霜雪覆之作蠶長一  
尺織為文錦入水不濡入火不燎

雲笈七籤云黃帝元妃西陵氏始養蚕為絲禮記皇妃祭

先蚕西陵氏也漢儀云春桑生皇后親桑于苑中蚕室養  
蚕于薄以中牢羊豕祠蚕神曰菀菀婦人寓氏公主凡一  
神也通典云先蚕天駟也天駟馬草木子曰佛氏以胎郊濕  
化四者窮推萬類之生生又以有無色想窮推萬類之情  
識蓋有色是牝牡之屬鳩鴿是也無色是無雌雄之屬螺  
蚌是也若有想是為蚕為蛾是也若無想是為蛹為蟻是  
也又云食葉者有絲食土者不息無角者膏而先前有角  
者脂而先沒又云蚕食礮石而肥鼠食礮石而死  
淮南子曰蚕食而不飲蟬飲而不食蜉蝣不食不飲

蠋

爾雅曰蜺鳥蠋埤雅曰蠋大如指一名蜺詩云條革金厄  
金取其堅厄取其完也又曰蛸蛸者蠋也桑野言蠋以  
絲自裹又久在桑野雖獨而已然能自營也完矣

蟬史曰蠋野蚕也亦能成蠶其種甚多有在桑者名桑蚕  
有食樗葉者名雒由有食蕭葉者名蚘又有在棘者在藥  
者皆類蚕而能蠶

金蚕○燕閒錄云南方畜金蚕食以蠋錦取其糞能毒人  
能致他財但遺之極難

蛸蠋

爾雅云蠋蛸蠋也郭註云今蛸蠋也一名蛸蠋方言曰蛸

蠅謂之蜈蚣埤雅曰蜈蚣魚仲虫也一名蜈蚣又名步履  
一名蜈蚣易曰尺蠖之屈以求伸也言以屈道致伸漢志  
云尺者蠖也蠖之義蓋取諸尺蠖之義蓋取諸引引者伸  
也蠖于尺伸于引今人布指求尺一縮一伸如蠖之步元  
桑子曰夫俗隨國政之方負猶尺蠖之於桑也食黃則身  
黃食蒼則身蒼蜈蚣似蚕蠖食葉吐絲作室舊說蜈蚣之  
蠟化而為蝶猶蚕蛹之變蛾耳

蟬史云蜈蚣野蚕也一屈一伸而行在桑者名桑蚕亦名  
蠅或云蠅大而蠖小蠅行如蚕而蠖則屈伸也

石蚕○冠宗典云石蚕解結氣附生于水中石上作絲蠟

如釵股長寸許以蔽其身色如泥蚕在其中

海蚕○南州記云海蚕生南海山石間其蚕形大如拇指其砂甚白如玉粉狀有痕節

石蠶虫○本草拾遺云伊洛間水底石下有虫如蚕解放  
絲連綴小石如蠶春夏羽化作小蛾水上飛一名石下新婦

芋蚕○蟬史云芋蚕生于芋食芋葉身青與芋葉同色絕類蚕而大老則化螳螂每被蛙鼃所食俗呼芋芍荷虫  
青虫○蟬史云青虫青色而此蚕小食禾葉害稼之虫也  
小卷禾葉作房食葉盡及秋後則化為蛹十日則蛻為蠶

笑一名蚤母虫或云能化蜻蜓

蝥蜋

爾雅云蝥蝥郭註云蝥屬也今青州呼蝥為蝥蝥孫註云八角蝥虫本草云蝥蝥蝥虫也江東呼揚刺蝥作蝥陶隱居曰此虫多在石榴樹上俗呼蝥虫其背毛螫人作房如雀子大又似巴莖名曰雀癩又名辣同一名躁舍一名天泉子即蝥蝥房也唐本註云蝥蝥紫白間斑狀似車渠文羅氏曰蝥虫身扁綠色似蚤而短背有毒毛常在葉背不知者輒遺其毒老則吐沫自累久漸堅凝如巴莖大紫白間理謂之蝥蝥房又名雀兒飯甕言雀所喜食也



蟬史云蝓蝓逢小暑而生大暑則成房而蟄至次年四月  
化為飛蛾黑斑色似蚕蛾而小生於木葉上即化蝓蝓蝓  
蝓食樹葉盡方老而作房

蝓○爾雅云蝓毛蠹註云即蠹也亦名蝓蝓蟬史云又名  
毛虫黑色形似蝓蝓毛蝓人有毒又名毛刺虫在山林間  
者大而斑色在籬落者小而黑色在屋瓦上者極小名瓦  
刺皆蝓蝓類也

恙○一作恙風俗通云恙毒虫喜傷人古人單居露宿必  
相問勞曰無恙否或云恙虫入腹食人心

蝓蝓○蟬史云蝓蝓一名蝓蝓南越志云蝓蝓一頭尾有

數條長二三尺左右有脚狀如蚕可食

天蛇

草木子曰度古似書帶色類蚓長二尺餘首如錐背上有黑黃欄稍觸則斷常趁蚯蚓不敢動乃上蚓捲之不久蚓化惟腹泥如涎有毒俗呼土蠱本草云土蠱如一條衣帶長四五寸身扁如韭葉背上有黃黑欄頭如錐子行處有白涎襍俎云雷蜺大如蚓以物觸之乃感縮負轉若鞠良久引首鞠形漸小復如蚓焉

蜈蚣

埤雅云蜈蚣一名蜘蛛爾雅云蕤蒸蜘蛛廣雅曰蜘蛛蜈

蛇性能制蛇卒見大蛇便緣而咬其腦淮南子曰騰蛇遊霧而殆于螂蛆莊子曰螂蛆甘帶是也三教珠英云蜈蚣見蛇能以氣禁之蓋土豚水故螂蛆搏蛇舊說蟾蜍食螂蛆蛆食蛇蛇食蟾蜍三物相值莫敢先動

### 蚰蜒

陶隱居云此物狀似蜈蚣而甚長細而黃鷄食之醉悶至死方言曰蚰蜒自閩而東謂之蟻蝮或謂之入耳或謂之蜚蠊趙魏之間謂之蚘蚘北燕謂之蛆蛄爾雅云蟻蝮入耳註云蚰蜒也

蟬史云蚰蜒呼百脚虫似蜈蚣而高脚似馬陸而扁身蓋

蜈蚣脚短而馬陸負身也色正黃大者如釵股其足無數此虫好脂油香能入人耳及諸竅中以酥乳灌之化為水

蝮蝮

本草云蝮蝮似小蜈蚣青黑色長足能溺人影一名蠹蝮一種山蝮蝮其毒尤猛令人發瘡如熱沸而大繞腰匝不可療汪機云蝮蝮長一寸身有毛如毫毛長五六分脚多而甚細居屋壁間遇人影輒尿之尿着即生瘡如短狐之溺影也葉子奇曰蠹蝮短狐踏影盡皆中人古人避影為此造化權輿曰短狐射氣蝮蝮溺影周官凡隙屋除其狸虫狸虫蠹蝮蝮之屬埤雅云蝮蝮言搜而去之也亦言求

而去之也故字从求从搜

蛭

爾雅曰蝦馬蛭註疏云俗呼馬蛭燕恭曰馬蛭大如細筆  
管長三四寸斑色一如蚰蜒又名刀環虫方言曰馬蛭北  
燕謂之蛆渠其大者謂之馬蚰音

蟬史云蛭一名蛆渠一名馬蚰一名馬蛭一名蝦一名縞  
骨虫以其形似縞骨也一名百節虫一名刀環虫一名商  
距莊子所謂使蚊負山商距馳河言勢不能也一名馬軸  
一名馬陸身如槎節節有細縻紋起紫黑色光潤百足死  
即側臥如刀環故名刀環虫長二三寸有粗如小指者

魏志云百足之虫至死不僵此虫寸寸斷之亦便寸行魯仲連云百足之虫三斷不蹶則其所恃者衆也莊子云夔憐蚘蚘憐蛇言夔以少而養多蚘以有而養無蓋蛇無足亦足夔一足亦足蚘百足亦足豈容歆羨于其間哉草木子曰夔一足也人兩足也馬四足也蜘蛛六足也螃蟹八足也蜘蛛四十足也蚘百足也蛇無足無者不資于多而後行多者不見其多而反遲于行故曰惟虫能虫惟虫能云

山蛩○陳藏器云山蛩虫大毒烏斑色長二三寸生林間如百足而大更有大者亦名馬陸夏月能登木群吟冬則



方言曰蠨螋謂之蠨或謂之蠨螋或謂之蠨螋郭註云或呼當齊或呼他蚕或呼蠨螋螋史云地蚕另是一種乃蜈蚣也身小而輕若蠨螋身大而肥蚕螋白色與木蝎相類俗呼土鼓虫本草拾遺云蠨螋身短背有毛節逢秋為蟬飛空飲露草木子云蠨螋土族也故土居而土食

蠨螋

爾雅云蠨螋蝎郭註云蠨螋在木中桑蠶是也又云蝎螋註云木中蠹也諸木中皆有之方言曰閩東謂之蠨螋梁益之間謂之蝎又謂之蝎本草拾遺曰蝎狀如蠨螋在木中食木心穿如錐刀一名蠹身長足短口黑無毛節身



正白色至春羽化為天牛

埤雅曰蝥蟻一名蝥蟻佶屈曲貌以形舉也詩曰領如蝥蟻此虫內外潔白肥膩故詩以况莊姜之領七辨曰蝥蟻之領阿那卑頤化書曰燥濕相育不母而生蝥蟻即木中蠹虫曹子建曰昔三苗共工驩兜非堯之蝥歟齊之諸田晉之六卿魯之三桓非諸侯之蝥歟柳子厚曰木朽而蝥中草腐而螢飛列子曰身之有蝥如樹之有蝥蝥盡則木朽慈熾則身亡

蟬史云蝥者木蠹也核李林檎枇杷榿極多久則化天牛天牛海生子為蠹惟桑虫桃蠹桐蠹入藥而桐蠹難得陸

龜蒙云橘之蠹大如小指首角身感然類螬蟥而青騎葉仰齧飢蚕之速不相上下人或根蝕之輒舊角而怒氣色桀驁一旦視之寢然弗食弗動明日復往則蛻為蝴蝶也

桂蠹○陳藏器云桂蠹味辛可食桑蠹去氣飛蠹辟鬼皆隨所出而各有功桑蠹又治小兒疳瀉

蚌○爾雅云蛤蜃強芋郭氏曰今米穀中蠹小黑虫建平人呼蚌子俗呼殼狗方言曰蛤蜃謂之強蚌郭氏曰米中小黑甲虫也江東人名曰賀

蚌蠹○蟬史云蚌蠹人家屋中蠹也似螳而大正白色

蝕梁棟如鋸開薄片層層可揭最畏土蠶及鴿鳥蓋其氣相制耳夏日南風起時則悉脫殼生翅如蠶飛出周禮剪氏掌除蠹物以攻荼攻之以莽草熏之凡庶蠹之事又杰友事掌除墻屋蠹以蜃灰攻之以灰洒毒之凡隙屋除其蛆虫

柘蠹○陶隱居云柘蠹虫糞破血唐糖偽者以柘虫屎為之唐糖燒之香而此則不香也

蘆虫○本草云蘆虫治小兒飲乳吐逆狀如小蚕

蓼虫○蟬史云蓼虫生蓼枝中黃身黑鬚作羊羶氣小虫也似蟪

蜀○說文云蜀葵中虫也篆作蜀象其形也

蟬

爾雅云蟬白魚部註云衣書中蠹虫一名炳魚是也一名衣魚一名辟魚魚豢典畧云芸香辟蠹魚蠹魚蟬也寇宗奭曰衣魚久不動帛中有之不若故紙中多也既老則身粉手搗之即落其形稍似魚其尾又分兩岐亦蠹蠹衣

蠹一竹

爾雅註疏云蚝蚝大蠹俗呼為馬蚝蚝小者蠹俗呼為蠹蚝蠹打蠹赤駁蚝蚝也蠹飛蠹有翅者其斗曰蚝蚝蠹如也夏小正云玄駒負玄駒也者蠹也古今註云河內人見

馬致十萬騎皆大于黍往來從朝至暮家人以火燒之  
皆成蚊蚋馬皆成大蟻故蚊曰黍民蟻曰玄駒也

埤雅曰壯子曰道在螻蟻蟻有君臣之義故字从義喜羣  
開閉輒酣戰不解有行伍隊列元徽之曰巴蟻涼而喜散  
故化書曰螻蟻之有君也一拳之宮與象處之一粒之食  
與象蓄之一罪無疑與象戮之揚雄曰蟻齊魯之間謂之  
蚋蟻梁益之間謂之玄駒燕謂之蛾蚌郭方言註云建平  
人呼蟻為蚋

埤雅曰蟻知天將雨則出而墮土成峯鶴鳥亦長鳴而喜  
故詩曰鶴鳴于垤垤即蟻塚也又名蟻封蟻取小虫入穴

輒壞垤室穴蓋防其逸亦以室而易林所謂蟻封其穴大雨將至是也傳曰蟻封盤馬孟子曰太山之于丘垤趙岐註曰垤蟻封也漢書云巢居知風穴居知雨劉子曰天將風也而鳩鳴將雨也寸雲未布而蟻蚋移矣

格物論曰蟻穴居郊生有黑白黃赤之異在山者大而臭名馬蟻蚋以潮候而排街蟻以雨至而酣戰附羶趣穢頃刻羣集俾雅又云蟻慕羊肉羊肉羶也舜有羶百姓悅之禮記註云熬者煎穀也設于棺槨所以威此蟻也使不至棺也又曰得時則蟻行失時則踰起蟻行達達有序需而不達君子得時其處于進有如此

疥

釋史云疥蠹人蟲也在身者色白在髮者色黑故曰疥處頭而黑麝食栢而香蒸性染身莫不相應牛有牛疥而猶豕鷄鵝俱有之昔宋道君北狩五圍城衣上見疥呼為琵琶虫以其形類之也說文云疥蠹人細虫其子曰蟻或云疥最忌水銀銀珠以二物煮之絕跡抱朴子曰頭疥着身皆稍變而白身疥處頭皆漸化而黑按今二種未嘗互也本草會編云人將死疥漸離身取疥于床前卜之疥行向病者皆死

牛疥○醫家取水牛疥糞煎首瘡

猫蟲○陶弘景曰百部根主去蟲煮湯洗之猫蟲即去  
狗蟲○韓詩云胡麻撮狗蟲蓋以胡麻似狗蟲也

承蟲○徐無鬼篇云濡濡者承蟲也擇疏虺自以為廣宮  
大牆奎蹄尚隈乳間股脚自以為安室利處不知屠者一  
旦鼓臂布草操烟火而已與承俱焦也

馬蟲○淮南子曰牛馬之氣蒸生虻蟲氣蒸不能生牛  
馬小不能生大故也

雞蟲○極細雞見人呼為雞翁魚伏雌夏月多有之  
鷲蟲○似人蟲而大身長色白

魚蟲○大小不等生水中能鑽食魚肉魚腮中似人蟲而



大仲夏多化螻蛄或化蜻蛉者有之一名水蠱

竹蠱○如人蠱而白色多生苑紫竹上其屎成團如粟針懸竹籬間人取而洗淨烹而食之甚益人

沙蠱○潭表等州有沙蠱即毒蟲鱗甲中蠱入沙中人浴中之如針孔粟粒不得術士禁之剗去肉即死一名蠅蠶

蠶

蟬史云蚤蠶人細虫也黑色善跳俗云蠱生汗垢蚤生積屎亦有雌雄雄者小雌者大俗呼為吃蚤或曰布谷鳥所吐每吐一二斗如蚊母之吐蚊也故三月蚤多至四五月差來一種身扁而臭不能跳善蠶人名曰交蚤又名扁蠶

京師呼辟佗或聞見錄云以芸香置書帙中即無蠹置席下即去蚤商人呼為十里香少木子曰蚤蟲至微也天地生之以食人

### 白蠟蟲

本草會編云白臘虫食冬青樹汁久而化為白脂粉敷樹枝人謂虫朵着樹而然至秋刮取以水煮溶濾置冷水中則凝聚成塊矣碎之文理如石膏而莖微和油灌燭大勝蜜蠟虫有不變蠟者則結苞樹枝初如黍米漸大則負如鷄頭青紫色宛若樹之結實也形類雀甕土人呼為蠟種來年春深則苞析而虫出延樹若欲廣蓄候苞將析時連

枝折取繫置他樹則虫亦應候而出其虫類蟻蝨有黑白  
二種蟬史云白蟻虫冬青樹及水橘樹皆可蓄之衢寧紹  
皆有之土人有取苞而賣者謂之賣蟻其脂實非其糞乃  
氣蒸而然也維類竹蟲糞此蓋粟收斂堅凝之氣外科之  
要藥也

蜂一作金

爾雅云蜂醜螿螿垂腹也蜂一名蠱其字象形泮雅云蜂  
類聚多動以萬計故借為千萬之萬抱朴子曰鷄有專棲  
之雄雉有擅澤之驕蟻有兼弱之智蜂有攻寡之計  
埤雅曰蜂有兩衙應潮其主之所在衆蜂旋繞衙之誅罰

懲令絕嚴有君臣之義化書曰蜂有君禮也其毒在尾垂  
穎如鋒故謂之蜂傳云蜂欲垂芒此之謂也詩曰莫予荦  
矜自求辛螫莽使也莽蜂使人為辛螫之譬也言蜂善辛  
螫藏精蓄毒雖小不可不慎採取百芳釀蜜其房如脾今  
謂之蜜脾其王之所居疊積如臺語曰蜂臺蟻樓言蜂居  
如臺蟻居如樓也一名蠟蜂又名蜜蜂蠟生于蜜天下之  
味莫甘如蜜莫淡于蠟蓋母于此者必薄于彼理之固然  
也西方之書曰味如嚼蠟傳云蜂之化蜜必取匿儲之水  
注之蠟房而後蜜成故謂之蠟者蜜之醜也方書云其大  
而安謂之壺蜂即今黑蜂專能醱蜜而不採芳者楚詞所

謂赤蟻若象玄蜂如壺者也

鶴林玉露曰蜂交則黃退蝶交則粉退陰陽自然變化論云蜂無王而盡死二王而即分近峯聞畧曰蜂採百花俱置翅間股間惟菊花則拱背入房以獻于王物亦知蘭之貴如此陳截器云諸飛虫看蜘蛛之網皆不能脫惟蜂不畏反擒蜘蛛而食之

格物論曰蜜蜂三種一種在林木上作房一種在人家作窠其蜂甚小微黃蜜皆濃美一種黑色在崖岩高峻之處其窠名石窠又名崖窠蜂小者考最大一名蟪蠱尾能蟻蟪史曰蟪蜂朝夕徘徊

供課晚衙畢則入房每歲三四月則生黑色蜂名曰將蜂  
又名相蜂蜂王乃相蜂所生也相蜂不能採花但能釀蜜  
蓋無此蜂則不能成蜜至七八月間相蜂盡死相蜂如不  
死則群蜂告飢矣俗云相蜂過冬蜂族必空蜂王大如小  
指不替人如有二王則分處矣今蜂之時多老王遜位而  
出所分之蜂均繫其半未嘗多寡從王而出者未嘗復回  
飛止必環衛蜂王皆有隊伍行列採花時一半守房一半  
依次撥糞花少受罰野草花開時蝦蟇所掠蛛螫所粘者  
什去其三每一百蜂往止有七十四房如菜花盛時什去  
其一三耳列子曰蜂純雌其名稚蜂

嶺表錄異云宣人取蜂子法大蜂結房子山林間大如巨鐘其中數百層土人採時須以草衣蔽体以捍其毒螫後以烟火熏散蜂母乃敢攀緣崖木斷其蒂一房蜂子五六斗至一石者有之以鹽炒寄至京洛以為方物蓋蜂類也雷公云凡醫家使其窠有四件一曰黃蜂窠大者長一丈二丈圍在大樹脚者內窠小隔六百二十箇圍大者有一千二百四十個蜂其窠粘木蒂是七姑木汁蓋其糞汁隔是葉莖二曰石蜂窠只在人家屋上大小如拳照蒼色有青色蜂二十一個不然只有十四個粘處是七姑木汁蓋是石垢隔是以蜂次三曰獨蜂窠大小只如鷺卵蒼黃

色只有一個蜂大如小石燕子許人馬遭螫者立亡四曰  
草蜂窠

本草圖經云蜜非一種宣州有黃連蜜雍洛有梨花蜜毫  
州有太清宮檜花蜜南京拓城縣有何首烏蜜凡蜂作巢必須糞汁

以醇方能成窠始  
人作館用麥雜也

蜜蜂○即人家所養之蜂也山間亦有之其子未化頭足  
如蛹服之令人好顏色

土蜂○穴居黃黑色螫馬人至死荆巴之間呼為煙冷江  
浙土蜂多在山中木上作房其房如大耗螫人至死  
黃蜂○亦在木上或屋上作房房如覆杯而小即做蜂



也埤雅云黃蜂無窠織長細腰其窠仰綴于屋簷舍漆以固其蒂陰陽在尾喜合末端有岐者牝銳者牡也

沙蜂○似土蜂而小黃蜂而大冬在人家屋上作房大者如甕小者如斗如壺毒亞于土蜂

牛舌峰○小而色淡黃窠長六七寸至一尺者濶二三寸多在叢水僻野之間

玄脈蜂○色赤黃大于諸蜂或在高水上或屋簷上作窠如三四斗許小者亦一二斗中有窠如蠟之狀故曰玄蠟或云懸蠟又曰懸壺

赤翅蜂○本草云赤翅蜂出嶺南如土蜂翅赤頭黑穿土

為窠大如螻蛄食蜘蛛蜘蛛知蜂來皆狼狽藏匿蜂亦預知其處相食無遺

獨脚蜂○本草云獨脚蜂似小蜂黑色一足連樹根不得去不能動搖亦出嶺南又有獨脚蟻亦與此蜂同也

竹蜜蜂○襟翅云蜀中有竹蜜蜂好于野竹上結窠大如雞子有蒂長尺許窠與蜜並紺色可愛甘倍于常蜜

穿木蜂○郭璞云穿木蜂黑色似土蜂而大在人家簷椽上穿穴如刀錐所鑽如螫人

天社蟲○本草云天社虫味甘無毒主絕孕益氣如蜂大腰食草木三月採之

蟪蛄附  
蟪蛄

爾雅云果臝蒲蘆卽註云卽細腰蜂也俗呼蟪蛄方言曰  
蟪蛄或謂蚋脫埤雅曰蟪蛄一名果臝卽今細腰蜂好禁  
蜘蛛說文曰天地之性細腰純雄無子列子曰純雄其名  
釋蜂蓋其類也捷泥作房如併竹管取桑虫負之七日而  
化為子其祝聲可聽法言曰螟蛉之子殪而逢果臝祝之  
曰類我類我蓋其音云也詩曰螟蛉有子果臝負之莊子  
曰細腰者化果臝一名蒲蘆陶隱居云黑色或綠色腰甚  
細含泥于膝及器物邊作房如並竹管是也其生子如粟  
米大置其中及捕取草上青蜘蛛十餘枚放滿于中仍塞

口以擬其子大為糧也一種入蘆管中亦取草上青虫而  
養其子詩之所云乃為謬矣雜俎云書齋中多螞蟥好窠  
於書卷中或筆管中祝聃可聽有時開卷視之悉是小蜘蛛  
大似蠅虎旋以泥隔之乃知不特負乘虫也事林類聚  
云嘗觀果蠃所負不但螟蛉或取蟪子磔而斃之因產一  
小卵于上俟其知化而成形漸食所負之虫久而寢大生  
翼飛出古人類我之說或有他據耳

本草圖經云物類变化固不可度蚱蟬生于轉丸衣魚生  
于衣子龜生于蛇蛤生于雀白鷗之相視負蝨之相應其  
類非一若桑虫蜘蛛之變為蜂不為異矣如陶氏所說如

如粟者未必非祝虫而成之者也

爾雅云螟蛉桑虫節註云俗呼為桑蠅一名戎女即負蝨所生之子也青色如蠅果羸舍置房中呪成已子陸機詩疏云螟蛉桑上青虫似蚩虫螟羸負之宋齊丘曰蠅蝻之虫孕螟蛉之子俾其情交其精混其氣和其神隨物大小俱得其真蠢動無定情萬物無定形按果羸負虫成子之見則陶說亦是有理余嘗見其所負桑虫多有死者焉有死者而復可活之也又見果羸以敬軀能生擒入脚蟻子及蜘蛛群鏡之屬蓋所以資口腹也豈俱能化子哉

二頁

說文云大者曰蠱小者曰蠱通作蠱蟬史云蠱目盲故从

蚩乃青虫所變者有水蚩乃榆葉中所產者似蠅而大俗呼舍命王又名牛蜂舍命王蜂蠶之最大者也埤雅云蠶民蠶蚩此蟲言為田牧者病也史記云愛牛者搏其蚩或云木蚩無子一名兔常

本草圖經云蚩有數種皆能咬牛馬血木蚩最大而綠色或若蠅蟬今呼為玉蚩蚩蚩狀如蜜蜂黃蚩醫家所謂蚩虫是也又一種小蚩名鹿蚩大如蠅啞牛馬血亦猛陳藏器曰木蚩多從榆葉上出卷葉如子形負着葉上破中而出初如白蛆漸大羽化折破便飛即能嚙物如古度花生蟻耳又云蚩毋草生塞北葉卷如窠中有血虫羽化為蚩

便能咬人草葉如葵人馬山行取其葉和桂杵為末傳之  
無復蠱來

蠅

方言曰蠅東晉謂之羊部註云此亦語轉耳埤雅云蠅好  
交其前足有絞繩之象故蠅之為字从蠅準生于隼繩生  
于蠅其義一也其後足搖翅自扇故爾雅云蠅醜扇

埤雅又云青蠅亂色蒼蠅亂聲傳云以水致蠅蓋蠅逐臭  
者懷蛆索利常喜煖而惡寒故遇水輒側翅遠引所謂夏  
中蠅不可語水者也類從云蠅生于灰蓋蠅值水溺死置  
灰中即活淮南子以為爛灰生蠅正謂此也詩曰匪難之

鳴蒼蠅之聲又曰營營青蠅止于樊愷悌君子無信讒言  
又白營營青蠅止于棘讒人罔極交亂四國又曰營營青  
蠅止于榛讒人罔極構我二人蓋以青蠅比讒人也語云  
狗苟蠅營蠅之終日營營如小人之無休息也又曰蒼蠅  
聲雄壯青蠅聲清聒其聲皆在翼青者能敗物巨者頭如  
火雖玉猶不免所謂蠅糞點玉是也青蠅一名景蹤  
蟬史云青蠅乃糞蛆所化蒼蠅乃灰所化一種大蒼蠅名  
麻蠅滿腹懷蛆最能敗味又蒼蠅多生于榆木葉開卷葉  
在房久則小虫蛻為蠅或云大麻蠅芥根所化也  
狗蠅○齊東野語曰狗蠅能治瘡瘡危証夏月狗極多蠅



冬月藏于狗耳中

黃蠅○山峽間多小黃蠅生于毒蛇鱗甲中醫人初不覺

頃之漸癢搔即為瘡弗搔以冷水沃之不妨出草文類聚

扁前虫○甚有毒生山陵如牛蜚翼赤其味甘出本草

雄黃虫○狀如蠟蝟主明目解兵力驅不祥

螢

古今註云螢一名暉夜一名燐一名丹良一名丹鳥一名

夜光一名宵燭鬼谷子曰螢名照夜青大戴禮云丹鳥羞

丹鳥丹良也其為之羞者重其養也凡有翼者為鳥羞也

羞者進也汲冢周書云大暑節腐草為螢腐草不為螢穀

質鮮落月令曰季夏溫風始至腐艸為螢方氏註云腐艸  
幽之類也螢明之類也季夏腐草為螢蓋離之明極于此  
也本草衍義曰螢在大暑前後飛出是得火炁之急而化  
故如此明照也朱氏曰溫風溫厚之極涼風嚴凝之始腐  
草為螢離明之極故幽類化為明類也陳皓曰腐草得暑  
濕之氣故化而為螢

爾雅曰熒火即焰埤雅曰螢夜飛腹下有光故字从熒或  
林人呼螢為流火一名挾火一名據火倚云螢戴火而寒  
一名熠熠詩云熠熠宵行今西北多螢大者如棗行而有  
光正曰宵行以此故也毛詩傳云熠熠燐也燐螢火也先

儒以為老槐生火久血為燐燐非螢火誤矣蓋燐者火之  
微名故兩者通謂之燐爾雅云螢火即炤燐也古今註以  
為螢食蚊蚋崇有論云鳥無胃而生螢無胃而育或云熠  
熠非螢另是一種行虫今卑濕處有虫如蚕蠋尾後戴火  
行而有光謂之熠熠七脩葉云腐州為螢月令古今註皆  
然而米中細虫尾亦熒熒久而生翼毛詩所謂熠熠宵行  
是也格物論云螢是腐草及爛竹根所化初如小虫腹下  
已有光數日蚊殼能飛

蚊

一作蚤 一作蠶 一作蠅 一作蟻

說文云蚊蠶人飛虫也秦晉謂之螭楚謂之蚊埤雅云蚊

一作蟻以昏時出也故从昏俗云蚊有昏市蓋蠅成市于朝蚊成市于暮傳云聚蚊成雷此蚊市之謂也蚊性畏烟以艾熏之則潰又曰民民蟲蚤虻田牧者病焉

蟬史云蚊似蝸而大長喙如針鑽膚取血並子曰蚊蚤噴

膚通宵不寐一名白鳥大戴禮云丹鳥羞白鳥註云白鳥

謂蚊蝮也一名忝民古今註云河內人見數十萬騎皆大

于忝家人以火燒之人皆成蚊蝮馬皆成大蠓故曰忝民

蟻曰玄駒也一種名豹脚志林云湖州多蚊其中有豹脚

者尤毒豹脚今班脚蚊也蚊所出不同有草中生者俗呼

青草蚊生郊外有樹中生者樹葉卷如丸先生小白蛆久

則葉丸漸紅內蛆化為蚊飛出唯榆葉尤多有水中生者  
溝澗中水蠶所化水蠶間皆有之有園中生者廁溷中糞  
蛆所化人拍之手作糞臭有鳥吐者蚊母鳥如鳥鷄而大  
黃白雜文鳴如鶻名曰蠶母鳥常吐一二升蚊聲在翼善  
伺床帳之隙而潛入以齧人故楊子曰蚊之取利雖小而  
善撓人令人寤夕不寐

蠶蠅

爾雅云蠶蠅註云小蟲似蚋喜亂飛或曰即蚋也一名  
督蝟一名蠶蠅以其望之如烟然列子曰蠶蠅生于朽木  
之上又曰督蝟生于腐蠟也爾雅正義曰此虫

微細群飛部璞曰蠓飛磴則天風磨則天雨言蠓旋飛如磨則天將風一上一下直春則天必雨矣然部景純云蠓又云風春雨磴二說不同今試之當以部贊為是列子曰蠓因而生見陽而死

埤雅曰蠓小虫即蠓亂飛望之如霧青子所謂醯酸而蠓聚也蟬史云蠓蠓俗呼蠓烟又曰蚊烟似蚊而絕小又類醯鷄青子所謂醯酸蠓聚蓋聚者醯雞也非蠓也天陰則生日出則死有二種一種黑而大似蚊易死一種似醯鷄而小善驚人蓋蠓滅也蠓者濛也言其小而難見也

鶡冠子曰一蠓嗜膚不寐至旦言物為害不必在大也

醴雞○蟬史云醴雞一名蟹生于醋甕間故曰醴雞似螻而大如蚊而小不齧人劉師道云醴雞甕裡天言其小也列子曰醴雞生于酒埤雅曰蟹蟲之知聲知味者也故字从響蓋其一聞酒醋之氣味則飛聚之一聞人聲則飛散韓詩外傳云齒如編蟹蓋此物聚醴甕口次第陳布如人齒又其生子如蛹密布甕內亦如人齒俗呼蟹子或云蟹善令人不迷故字从響類從云帶蟹醒迷迷祠解惑是也蟬史云醋無此虫則不酸呂氏春秋曰食醴黃蚋聚之有酸爾雅云國貉蟲蟹部云今呼蛹虫為蟹說文云司馬說蟹從向柳宗元詩曰胙蟹巫言報潘氏註云蟹蚊類蟲羣

飛而多者也

芫青○陶氏曰芫青芫花上虫也青黑色面經云形大小如班毛純青綠色背上一道黃文尖喙雷公曰芫青班猫亭長赤頭等四件形各不同所居所食亦不同芫青背尖處背上一道黃文班猫背上一畫黃文一畫黑文背尖處有一黑點食其葉汁亭長形黑黃在蔓葉上食汁去頭頭上有紅一點身黑色四虫出四處芫青出寧州亭長出雍州班猫所在皆有

地膽○本草云地膽一名青蛙生汶山川各中陶氏曰地膽真者出梁州狀如大馬蟻有翼面經云二月三月八九



月草菜上有之形倍黑色竟青所化也

樗雞○埤雅云樗小虫黑身赤首一名天雞爾雅云翰天雞蓋其鳴有時故云鷄或云莎雞非也寇氏曰樗雞形類蚕蛾但頭足微黑翅兩重體重灰色下一重深紅五色皆具腹大此則樗雞也孫炎曰樗雞一種頭方腹大翅羽外青內紅而身不黑頭不赤人呼樗雞亦呼莎雞一種石樗木上者人呼紅娘子者頭翅皆赤蕪恭曰五色具者為雄青黑質白斑者為雌

班蝥○本草尚經云班蝥生河東川谷七八月大莖盛時此虫多在葉上長五六分甲上黃黑斑文烏腹尖喙如芭

莖大吳氏曰班猫一名班蚝一名龍蚝一名班菌一名騰  
蟹一名盤蚤一名異青一名龍齒一名龍尾蓋此虫性味  
極烈生塗人手則生腫陶氏曰班猫一虫五變二三月在  
芫花上名芫青四五月在王不畱行上名王不畱行虫六  
七月在葛花上即名葛上亭長八月在莖花上即名班猫  
九十月欲還地蟊即名地膽本草註云地膽出幽州芫青  
出寧州亭長出雍州班猫所在有之其虫豈一歲周四處  
采且芫青班猫形畧相似亭長地膽大殊陶言浪耳  
葛上亭長○陶氏曰亭長葛花上虫身黑而頭赤如人之  
鬚表赤憤故名亭長本草註云形似芫青而蒼黑色

鷓螟 ○列子曰海上有虫巢蚊睫名曰鷓螟離赤子羽望  
之不見其形師曠聽之不聞其聲晏子曰東海有虫巢于  
蚊睫再飛而蚊不為驚東海有道者命之曰鷓螟

鉄虫 ○草木子曰一民家一鉄鍋底下起一鉄泡槌破有  
一紅鬚虫其走如飛其鬚至硬是金鉄中亦有虫也

梗雞 ○本草云梗雞味甘無毒

蟬史集卷之十終

蟬史集卷之十一

樵李穆希文纂

諸虫類

蜣螂

埤雅云蜣螂一名蜣蜋爾雅所謂蜣蜋蜣螂是也衝波傳曰蜣蜋無臭而聞香黑甲翅在甲下五六月間經營穢場之下車走糞丸一前挽之一後推之若僕人轉車久之輒羽化如尸解仙去也莊子曰蜣蜋之智在於轉丸夫以蜘蛛蜣蜋之智猶能布網轉丸則萬物付之自然各有能矣

此莊列之後所以欲擺工倭之指也抱朴子曰玄蟬索飢不羨蜣螂穢飽故田之筭歎有以輕猗頓之富也蟬史曰其丸名土消歲在土中掘地得之正負如人檢作彌久者佳古今註云蜣螂能以土苞糞推轉成丸負正無邪角一名弄丸一名轉丸畜經曰蜣螂生長沙池溼處處有之又目高鼻蹇者名胡蜣螂寇氏曰此物大小二種大者名明蜣螂身黑光腹翼下有小黃子附母而飛行晝不出夜方飛出至人家庭戶中見灯火則來一種小者身黑晝出夜不出狐遇之必盡食之

金虫○蟬史云金虫似蜣螂而小甲下有翅能飛背負金

點其色燦然

土螿○埤雅云土螿一名蜃一名地螿一名過街言逢申  
日則過街殆與鷓鴣忌庚申燕避戊己無異也本草曰土  
螿生人家墻壁下土中濕處狀如鼠婦而大者寸餘形扁  
如螿有鱗如甲陶隱居云此物有甲不能飛小有臭氣蟬  
史云土螿本草謂之廣虫俗呼蚌虎蚌者屋蠹也此物氣  
能禁蠹令蠹盡死故曰蚌虎寇宗奭曰一名簸箕虫

蛾

埤雅曰蛾一名水鏡即短狐也似螿三足一名射工含水  
射人之影其瘡如疥稽聖賦所謂蛾旋于影蛾射于光是

也一名含沙一名溪毒有長角橫在口前如弩檣臨其角  
端曲如上弩以氣為矢因水勢以射人故俗呼水弩春秋  
書蟻所以紀異也然畏鷲鷲能食之所謂鷲飛則蟻沉鷲  
鳴則蛇結詩曰為鬼為蟻則不可得言鬼無形而蟻性陰  
害射人之影則皆莫可究矣五行傳云南方淫蠶之氣生  
蟻蟻之為言惑也字說蠶不可得也故或之今蜚蝻溺人  
影為害亦此類也

本草云射工虫出有溪毒處故曰溪毒大如雞子似蝘蝓  
頭有一角長寸餘角上有四岐色黑甲下有翅能飛博物  
志曰射工虫形氣射人影不治殺人羅氏曰射工長一二

寸有翼能飛口中有橫物如弩或聞人聲以氣為矢激矢以射人四月一日上弩射人影至八月却弩冬月蟄澗谷中此虫所在雪不積蓋氣蒸也

周禮壺涿氏掌除水虫以炮土之鼓毆之以樊石投之註云投使驚去也又曰若欲殺其神則以牡槀午貫象齒而沉之則其神死澗為陵今人過山溪當先以石投水使射工驚去則不射人也玄中記云江南有射工甲虫類也名水狐長四寸黑色畏蟾蜍此虫驚驚禱云蠓螋短狐踏影蓋皆中人影為害

天牛○蟬史云天牛俗呼牽牛郎多木蠹所變似蝓蜚甲



虫也橘蠹化者名橘牛桐化者名桐牛綠木飛騰不遠久則放子生虫食百菓林檎上尤多埤雅蝸化天牛兩角狀如水牛長二三寸色黑而臭背有白點長鬚有班節甲下有翅能飛飛不甚速一名蠨襪俎云天牛虫黑甲虫也此虫一出天必雨

笛師○蟬史云郭璞云黑蜂穿竹木作孔者名曰笛師俗呼鑽竹蜂蜂如小指有黃甲甲下有翅穴竹為巢齧硬有小岐不穿木不螫人蜜如稠糖甘滑可愛

蝮○爾雅云蝮蟻蜚郭云甲虫也大如虎頭綠色江東呼為黃蟬抱搶襪俎云抱搶水虫也形如蝸蟻稍大腹下有

棘似槍如棘針螫人有毒

蜉蝣

埤雅云蜉蝣似天牛而小有四角長三四寸黃黑色甲下有翅能飛燒而散之味美于蟬翁然生覆水上尋死隨流梁宋間名曰渠畧叢生爵榭中朝生暮死有蜉蝣之義故曰蜉蝣夏小正曰蜉蝣有殷殷衆也蜉蝣殷之時也言有所見也爾雅云蜉蝣渠畧郭云似結蜩身狹而長有角黃黑色叢生渠土中甲下有翅小有文彩朝生暮死猶好啖之方言曰秦晉間謂之渠畧王褒云蜉蝣出以陰詩云蜉蝣之羽衣裳楚楚蜉蝣之翼采采衣服蜉蝣掘閱麻衣如

雪

溪鬼虫○汪機曰溪鬼虫取其角帶之主辟溪毒射工虫有溪毒處山林間大如鷄子似蛤蜊頭有一角長寸餘角上有四歧黑甲下有翅能飛六七月取之

吉丁虫○本草云吉丁虫甲虫也人取帶之令人夫妻相愛背綠色有翅在甲下出嶺南賓澄州又有一種名映顯虫其功用與吉丁虫同褐色身扁人皆重之

蟬

廣雅云螻蛄蝻蝻蝻即蝻蟪也埤雅云螻蛄夏蟬也或云春生者死于夏夏生者死于秋故莊子曰朝菌不知晦

朔蟋蟀不知春秋離騷云蟋蟀鳴兮啾啾歲暮兮不自聊  
方言曰蟋蟀齊謂之蟋鹿楚謂之蟋蟀或謂之蛉蟀或謂  
之蟋蟀自關而東謂之蚘蟀或謂之蜺蟀郭註云江東人  
呼為蜺蟀爾雅云蜺蟀蜺蟀郭註云即蜺蟀也一名蟋蟀  
齊人呼蟋蟀按今蟋蟀聲開數里故孔子云鹿山十豎蟋蟀之聲猶  
在耳今江東人呼為蟋蟀一名蟋蟀此人謂婦人曰蟋蟀又  
曰蟋蟀以婦人髮髮如蟋蟀之兩頰也詩云蟋蟀首蛾眉正謂  
此耳此物乃以旁鳴欲露不食故稽聖賦云蟋蟀行以其  
背蟋蟀鳴非其口蟋蟀乃蜩所變或云乃魚以交未知孰  
是爾雅云蜩馬蜩註云蜩中最大者名曰馬蜩方言曰蜩  
大者謂之蜩或謂之蜩馬埤雅云蜩蜩之大者背偃而黑  
禮之所謂蜩蜩有倭者是也乃復育所化復育又蜩螿所

化也一名土蝎其生圻裂毋背論衡曰蟬生于復育開背

而出按烟大蟬也蟻姑木蟬也蟻姑之聲斷續清亮蟬之

藥名曰蟬禮云冠之飾象附蟬故曰蟬冠漢官儀曰侍

中金蟬左能名銘蟬冠金取堅剛百鍊不耗蟬取其居高

清潔銘取其內勁外溫又草木子曰烟三十日而化

蟬雅曰蟾一名蠋其冠方廣俗呼胡蟬形如蛤螻江南謂

之蟾蜍爾雅註疏云蟾蜍者蠋江南謂之蟾俗呼胡蟬方

言曰宋衛之間謂之蟾蜍陳鄭之間謂之蜎蜎秦晉之間

謂之蟬海岱之間謂之蜎方言郭註云似蟬而小鳴聲清

亮江南呼蟾蜍齊人呼為巨蜎詩云如蜎如蟾如沸如羹

鄧陽柳賦云蜎蟾厲響蜘蛛吐然按爾雅方言蟬雅則蟾

另是一種今考蟬類並

與此種陸机草木編以為  
德烟即德姑也未為無據

爾雅云蜺寒蜩節註云寒蜩也似蟬而小青色月令所謂

寒蟬鳴者是也方言曰蟪謂之寒蜩蔡邕曰鳴則天涼故

謂之寒蟬按月令立秋寒蟬鳴非菟翰曰秋風至而寒蟬

蟬亦誤蓋蟬蟬痛蟬也蟬姑馬蜩皆有時者陶隱居之說

月令曰仲夏之月蟬始鳴陶隱居曰五月不鳴蟬小兒多

天死故蟬蛻治小兒驚癇等病又曰二月中便鳴者名蟬

母似寒蜩而小又一種生蜀中脫殼頭上有角如花冠名

蟬老汲冢周書云夏至蜩始鳴蜩不鳴貴臣放逸立秋寒

蟬鳴寒蟬不鳴人皆力爭字林云蟬蟪姑也蜺蟬屬也風

土記云螻蛄鳴于朝寒蛩鳴于夕蟬史云螻蛄朝暮俱鳴  
若寒蛩多夜鳴故曰鳴于夕也

埤雅云蟬飲而不食蚕食而不飲不食故蟬無屎而有屎  
不飲故蚕無尿而有屎又曰蟬三十日而化蚕二十日而  
化又曰蟬者為其變蛻而蟬也故曰蟬舍卑穢趣高潔不  
食生物而飲風吸露其蟬是道也舊說朽木化為蟬壞楮  
化為蝶腐菌化為蜂襍俎云蟬未蛻時名漫育復育化為  
蟬蓋以復育冬時附于朽木處以復育固朽木所化

按蟬與復育不化復育又蟬蛻所化也猶蚕  
化蛹蛻化蛾也成六朽木所化之言未可信

草木子曰蜚屬卻行蜻屬紆行蛸屬旁鳴螿屬翼鳴蚣屬

股鳴榮原胃鳴蜥蜴骨鳴埤雅云兔絲無根而生蛇無足而行魚無耳而聽蟬無口而鳴文子曰飛鳥返鄉文子曰飛鳥返鄉兔走歸窟狐死首丘寒蟬翔水各依所生蓋以寒蟬乃水虫所化也

司馬遷曰蟬脫于穢濁以浮游于塵埃之外仲長統曰飛龍遺跡蟬蛻亡殼鹽鐵論曰以所不覩而信若蟬不知雪也古今註云董仲舒曰昔齊王之后怨王而死化而為蟬登嘒啖而鳴王悔之故名蟬為齊女

紺緒○古今註云蜚虫也如蜻蛉七月群飛閣天云是化

青蚨○陳藏器曰青蚨虫生南海狀如蟬其子着木取以



塗錢皆歸本處一名螻蛄廣雅曰青蚨也一名蠍蝟一名  
蠍蝟一名魚伯禰俎云蠍蝟形如蟬其子如蝦着草葉得  
其子則其母飛來搜神記云南方有虫名蠍蝟如蟬大其  
子如蚕種取其子歸則母飛來雖潛取必知其處殺其母  
塗錢子塗貫用錢則自還淮南子曰青蚨一名魚伯以母  
血塗八十一錢以子血塗八十一錢置子用母置母用子  
皆能自還名子母錢異物志云此物雌雄常不相捨是又  
一說

蝶

埤雅云蛺蝶粉翅有鬚一名蛺蝶一名採花子又名野蠶

列子曰烏足之根為蟻蚱貝葉為蝴蝶胡蝶膏也嘗見園  
蔬其葉有為蝶者三分二已蝶矣其一尚葉也干室曰稻  
成養麥成快蝶段成式曰白快蝶尺蠖蚕所化也而願非  
熊親見鬱栢中壞綠裙幅旋化為蝶張周封言百合花合  
之泥其隙經宿化為大蝴蝶陸氏則困蔬化蝶于氏則  
招幅化蝶百合花化蝶陸氏則困蔬化蝶于氏則  
蝶之大小濼色不一疑各有所化不專于榆蠶已也余又  
見榆蠶化為天牛則又知榆蠶不專于化蝶也  
蟬雅又曰蜂蝶醜皆以鬚嗅鬚蓋其臭也今蟠蠶絡緯之  
類亦以鬚當鼻耳草木子曰化生者眼無竅唯有黑點而  
不能見蚕蝶之類是也古今註云快蝶大者名鳳子車格

物論云蝶一種大者如蝙蝠或黑或青或斑或褐或黃或白江東人呼蝶為捷采俗傳大蝶必成雙乃梁山伯祝英臺之鬼又傳乃韓憑夫妻之鬼皆不可曉續古今註云龜蟹之類無雄雌蝶之類無雌

飛蠶

埤雅云飛蛾善拂灯火夜飛一名慕光似蝶而小似蚕蛾而能飛一名文蛾符子曰不安其昧而樂其明是猶文蛾去暗赴燈而死或云飛蛾與廣虫為牝牡或云飛蛾乃穀蠹或屋蠹所化夜灯管測云山鷄顧影以忘身野蛾利火以自斃



自正中門埋之皆成青珠類後曰青蛉之首瘞而為珠  
本草會編云青蛉乃水蠶所化水蠶既化蜻蛉蜻蛉相交  
遂於水上附物散卵出復為水蠶水蠶復化馬交相禪無  
已也七脩類案云蜻蛉貼水飛時以尾蘸水中然不知點  
水者乃生子也既遺水中青鮪魚食之腹脹孕虫噬母腹  
而出身似彈而小名曰蝦蟇虫及蛻始為蜻蜓或云水蠶  
所化或云稻田間青虫所化又一種小者似蚊虫一種最  
大者京師呼為馬大頭

蟋蟀

方言曰蜻蛉楚謂之蟋蟀或謂之蛩南楚間謂之蛩孫

埤雅云陰陽率萬物以出入至于悉也帥之為悉蟋蟀能帥陰陽之悉者也似蝗而小善跳正黑有光澤如漆一名  
蜚一作蛭一名侵織語云促織鳴嬾嬾驚曹蒼而為唐儉以  
勤故詩一以將將一以蟋蟀刺之詩云蟋蟀在堂歲聿其  
暮又曰十月蟋蟀入我床下言蟋蟀微物也猶知隨時可  
以人而不知乎故曰物有微而志信人有賤而言忠也傳  
云蟋蟀之虫隨陰迎陽一名吟蛩秋初生得寒則鳴  
汲冢周書云小暑蟋蟀居辟蟋蟀不居辟急恒之暴  
蟬史云蟋蟀形似螽斯而短小其聲曰織織又名勸織虫  
四五月生莎草中飛鳴跳躍名曰莎鷄至初秋則入床下

鳴故詩曰四月莎鷄振羽七月蟋蟀入我床下朱子註云  
螽斯蟋蟀莎鷄一物隨時變化而異其名者也蓋蟋蟀莎  
鷄本是一物初不啻變化而螽斯自是一種安滯混而為  
一蟋蟀有三尾者雌也二尾者雄也吳下人取其雄而鬻  
徒者馴養以閉如淮人之閉鷓鴣也或云蟋蟀之聲鳴在  
股間非其口也

絡緯

爾雅云螿蜻註云蜻似蟬而小江南謂之馬螿又曰螿茄  
胡部註云江東人呼為茄螿似蟬而小青色疑即螿也方  
言曰蟬之小者謂之麥螿有文者謂之蜻蜻其雌蜻謂之

疋即蜚也蚘有腹音蟬史曰絡  
蟬其聲如絡緯故名絡緯又如縹絲一名縹絲娘又名  
紡縹娘一名馬蚘子一名節綢似蝨斯而大長翼高股初  
生青色其聲蚘蚘故名蚘秋半則身老翼如螳娘數層外  
蒼灰色夜鳴林木籬落上聲如縹絲聲甚清

螳娘

方言曰螳娘謂之髦或謂之虹郭註云又名翫所俗云螭  
虫所化爾雅曰莫辨螳娘郭註云螳娘有斧虫江東呼  
石娘爾雅又云螳蠶桑郭註云似天牛長角体有白點喜  
蠶桑樹作孔入其中按螳娘無角無白點郭所云者爾雅



又云不過螻蟻其子蟬蛸郭註云螻蟻蟪蛄別名其子曰蟬蛸一名蟬蟪蛄也郭又云螻蟻江東呼為蟪蛄以其好齧人髮故名齧髮其子名桑慄蟬

蟪蛄曰螻蟻有斧虫也充人謂之拒斧其臂如斧奮之當轍不避莊子所謂猶螻蟻之怒應臂以當車轍者也好捕蟬食之執木葉以自蔽蟬將去而未飛為之一前一却莊子所謂執翳而搏之見泐而忘其形是也世云螻蟻所執之臂可以蔽形類從曰螻蟻之氣含之生火蛆蚓之塵背洒起霧未知其審月令云螻蟻生蓋是月陰始起殺虫應而生焉爾雅正義云螻蟻蟪蛄秋乳子至夏之初適生是也

一生百子如蠶斯一名天馬有翼數重飛不甚速本草云  
蜚蛸一名蝕脫襍類云蜚蛸名野狐臭涕本草云桑蜚蛸  
生桑枝上螳螂子也二三月採蒸之螳螂逢木便產一枚  
出子百數多在小木荆棘間並螳螂卵也

以冢周書云芒種之日螳螂生螳螂不生是為陰息

一蠶  
一作

埤雅云蠶一名春蚕亦謂之春箕蝗類也青色長股以股  
鳴或云似蝗而小股黑有文五月中飛則兩股相切作聲  
聞數步詩曰五月蠶斯動股言蠶斯股來而奮迅之也蠶  
斯股春時尚弱至夏始奮故列子以謂臣力析春蠶之股

堪秋蟬之翼，至至冬而死，故螽字从冬。魯十月而有螽。  
孔子曰：火伏而後蟄者畢，今火猶西流，再失閏也。舊云：螽  
斯，串之不妬忌者，一母生九十九子，故詩云：螽斯蟄蟄，以  
為子孫，衆多之况。按：俗呼螽蟻能害稼，為穴，生子田畔，  
故野燒以絕螽子，以爾雅云：螽，螽蟻蟻，注云：今螽蟻也。俗  
謂螽蟻月令注云：其類乳于土中，澗埋其卵，江東謂之螽蟻。  
螽蟻一作蟻爾雅：螽，螽蟻，迅也。方言曰：螽，南楚之外，謂之螽蟻。  
蟻或謂之螽，又云：春黍，又謂之螽蟻。江東呼螽蟻能害稼。  
者，穠輟曰螽生，八十一子，拾遺記云：螽蟻與螽蟻交，人見  
而拾之，堪為婚藥。或云：乃負螽非螽斯也。

土蝨○爾雅云土蝨蟻蟻註云似蝗而小名曰土蝶又云  
螿蝨蟻蚋註云似螿蝨而細長蟬史云土蝨似螿蝨而細  
長銳頭青翼能飛能跳飛不甚遠亦能害稼人執其兩股  
能搖動其身如女人織然故又名織綸娘

阜蝨○埤雅云阜蝨一名螿蝨亦能飛跳飛不能速青色  
語云嚶嚶阜蝨翅翅阜蝨阜蝨鳴于上風負蝨鳴于下風  
而風化文選云阜蝨鳴負蝨躍或云阜蝨蛭蚋也阜蝨似  
蝨斯好与蚋交異類同穴人取之為媚藥或云阜蝨即螿  
蟻也一名負盤杜預云即負蝨也蟬史云螿蚋阜蝨子也  
博物志云螺螿取阜蝨子呪成已子則知阜蝨子即螿蚋

也或云阜螽名夜行虫

石蟹虫○拾遺記云石蟹虫形如螻蛄而小身長兩股如蟹在卓頭能飛螽之類也與蚘蚘交

灶虫○襍俎云灶虫狀如促織稍大脚長好穴于灶側俗云灶有馬足食之兆故又名灶馬蟬史云灶馬一名灶鷄形類促織而身軟長鬚兩股能跳食鍋中餘沫促織則有翼而黑色性剛善閉灶雞則無翼而褐色身弱而易死其聲亦曰織織

庄螂○蟬史云庄螂黃色身扁而臭好穴居灶間冬蟄春出江南人家一灶至有盈斗者俗呼濃食虫以其能令人

家豆食也又名黃虫初生如莖大久則漸長生翼能飛亦  
名灶虫一種生于東海船上者似庄螂而小脚稍長無翼  
好羣穴鍋灶邊名曰灶蟲又名船蟲

佗背虫○蟬史云佗背虫似促織而白色雙鬚甚長無翼  
不能鳴背偃長股善跳好居下濕地雌雄未嘗相離  
碎車虫○襍俎云碎車虫狀如唧唧蒼色好棲高樹上其  
聲如人吟囁有大而黑者聲亦呼唧唧俗呼沒莖虫

蝗

埤雅曰蝗一名蟻蝗字从皇其首腹皆有皇字未燭厥理  
蝗乃魚卵所化列子曰魚卵之為虫蓋謂是也春魚生子

如粟埋于泥中明年水及故岸則皆化魚如遇乾旱水縮不及故岸則其子久擔被日所曝乃生飛蝗詩云衆維魚矣寔維豐年說者以為陰陽和則魚衆多矣故豐年夢魚理或然也字說曰蠚食苗葉無傷于寔若蠚可貸也賊食苗節賊苗蠹食苗根如句所植螟食心不可見此虫天下治則入海為蝦上下無道則生矣春秋紀之所以警後之為人主者類從曰蝗由吏貪殘所召葉子奇曰蝗或言魚子變近之矣食穀為灾由部吏侵漁百姓所致虫身黑頭赤或赤也頭黑身赤儒吏也

說文曰蝗如蝗蟬腹下有梵字魚子所化或云蝦所化東

坡云遺蝗入水應千尺註云老農言蝗之生子遺而入地  
若經大雪則入地愈深河圖秘微篇云帝貪則政暴而吏  
酷酷則誅深必主蝗 五蝗 五乃貪苛之所致也苦心識余  
曰馬援為太守蝗化魚 景王况為陳太守蝗高飛去梁脩  
為秦州刺史飛鳥食蝗殆盡魯恭為中牟令常茂為密令  
歐陽玄為蕪湖令蝗皆不入境蓋改善所致也

蝻

蟬史曰蝻蝗屬害稼虫也好食葉好妨螟屬亦害稼虫也

蝗

爾雅曰食苗心曰蝗食葉曰蟻食節曰螻食根曰蝻說文



白夷冥冥犯法即生螟乞貸則生螟抵胃取民財則生蠶  
陸氏曰靈芝朱草秬之種其美與螟蟥之種其善惡雖  
不同而所繫于王者之政一也說文註云蠶食草根者以  
虫其象孺象其形也徐鍇曰惟此一字象蠶形騰一作即  
蠶也一作淮南子曰枉法令即多蟲螟詩云去其螟蟥及  
其蠹賊無害我田穉

蜚蠊

蟬史曰蜚蠊一名負盤一名負蟻疑世之所謂天婢蟲也  
又名天蜚能害稼吸枯禾莖令苗稿矣一種似廢虫而大  
蒼色一種似螢而大白色本草云蜚蠊一名負盤蜀人食

之味辛辣。蘓氏曰：蜀人重蒸渠，猶巴人重負糞也。陶隱居曰：蜚形似蠶虫而輕小，八九月天寒多入人家，層本別錄云：蜚形似蚕蛾，腹下赤，即南人謂之滑虫，多在林樹間，百十為群。爾雅曰：蜚，蠹也。註云：即負盤虫也。羅氏曰：蜚，廩一名，蜚似蠹虫而輕小，能飛，本在草中，八九月知寒多入人家屋裡，逃避好以清旦入田中，吸稻花，日出則散去，既食稻花，又氣臭，惡能燻，稍使不蓄，故春秋書以為灾。

夜行虫。○釋史云：夜行虫亦名負糞，有短翅，不能飛，遠好夜中行，觸之氣出，故名夜行虫，又名屎盤虫，或人食之，味辛辣。汪機云：草虫負盤，負糞，夜行虫，蜚，蠹，異類而同名也。

蠶螿虫○本草云蠶螿虫似夜行虫而小有小毒

蜈○爾雅云蜈蟻蚋螿之屬食穀為災劉歆曰蜈螿蠶  
蚋蟻之有翼者即飛蜈也一名蜚部註云螿之始生劉向  
以為螿之始生俱非是也

青腰虫○本草云青腰虫如蟻大赤色腰中青黑尾尖有  
短翅能飛春夏有之有大毒着皮肉腫起

守瓜○爾雅云蠶與瓜守瓜註云瓜中黃甲小虫也喜  
食瓜葉故曰守瓜形如蠶而小列子曰蝥蟧生于腐蠶蟻  
即守瓜也

蠅○爾雅云蠅蠅女蝥註云小黑虫赤頭喜自經死故曰

蝻女

蟾蜍

蟾史云蟾蜍一名蝦蟇一名蚵蚾一名龜龜一名黑麻腹  
大背黑以脰鳴皮上多癩磊頭有角角上有酥名曰蟾酥  
冬蟄于土春出陂澤間雌雄相抱吐而生卵卵如羊腸中  
有黑點連綴十日乃化名曰科斗蝦蟇生子後腹室無物  
故曰蝦蟇無腸春鳴水田中俗謂之聒子襍俎云蝦蟇持  
蟾史云本少國經陶氏及埤雅諸書多分蝦蟇蟾蜍為二  
種以為蟾蜍大腹癩疥不能跳躍亦不善鳴其行舒遲好  
居下濕之處蝦蟇小于蟾蜍能跳接百虫善鳴及鄔璞爾

雅註䟽亦謂蟾蜍似蝦蟇而實非一種然予村居無事細  
視蝦蟇能行能跳能伏能出科斗漸大脫尾生足初在水  
中群游似魚生足則登陸至四五月則居稻田內俗呼杜  
鵲好鳴能跳接百虫而食之此物經年方老居人家下濕  
地夏夜則出拾虫而不能跳矣其行舒遲亦不鳴聒人呼  
為蛤霸其實一物以其老幼殊質春夏異時遂分為二也  
其矢名曰土檳榔其肪塗玉則軟剌削如蠟抱朴子曰蟾  
蜍壽至千歲者頭上有角領下有丹書八字

爾雅云龜鼈蟾諸部註云似蝦蟇居陸地淮南謂之去蚊  
或云蝦蟇一名土犬洽聞記云蝦蟇大者名田父能食蛙

蛇行田父逐之蛇不得去田父含其尾久之蛇死尾後數寸皮不損肉已盡也會編曰一種蟾大而黃色多在山石中葦蟻能吞氣飲風露不食祿虫謂之山蛤蟬史云山蛤一名南風蛤又名石蝎生深山谷中遇南風則出背黑色非扁兩股甚長孝豐人珍之為上品連皮蒸熟味在于皮按尚書故實云越人食蝦蟇以疥者為上品蓋以其為錦襖子也

爾雅云科斗活東註云蝦蟇子也山海經云崑山湘水東流其中多活師即科斗也埤雅云科斗逢月大盡前足先生小盡後足先生足生尾尾脫尾脫繞登陸古今註云科

斗形圓有尾開雷震則尾脫足生本草會編云蝦蟇曳腸于水際草上纏激如索日見黑點漸深至春水時鳴以聒之謂之聒子所謂聒抱是也科斗頭圓色黑始出有尾無足稍大足生而尾脫俗謂之蝦蟇黏眉間白汁謂之蟾酥張衡云拜妻嫦娥竊藥奔月宮是為蟾蜍故今人呼月為蟾神仙傳云益州北平山有蝦蟇謂之肉芝王喬食之成仙秋長山洞中有千歲餘蟾蜍見者得道白日上昇東坡詩註云蝦蟇蜈蚣蛇三物相值皆不動彼此畏食也類後云蟾蜍午日陰乾帶之可辟兵淮南子云老蝦蟇化為鶴陸氏曰燒蝦蟇可以制毒蟲

龜一作蛙

鱗火云龜一名鱗烟一名長股一名田鷄一名水鷄一名  
暹一名土鴨青者名青蛙似蝦蟆而小有蒼色者有青色  
者有班色者韓文公答柳柳州食蝦蟆詩乃蛙也非蝦蟆  
也故韓詩云蛤即是蝦蟆同寔浪異名蓋蛙又名蛤魚也  
一種青色極小天將雨能上樹木鳴名上樹青蛙格物論  
云棲烟腰細口大皮蒼黧色俗謂之青蛙背有黃路者謂  
之金線蛙大腹而脊青者俗名土烏其鳴甚壯一種長股  
名石鷄亦名錦襖子又有黑色者名蛤子此即南風蛤也  
寇宗奭曰龜色青腹細背尖後腳長故善跳大其聲則曰



龜小其聲則曰蛤月令所謂雀入大水為蛤者是也

蟬史云月令謂雀入大水為蛤雉入大水為蜃蓋蛤乃蛙  
蛤之蛤非螺蛤之蛤蜃乃龍蜃之蜃非蛤蜃之蜃觀談苑  
曰蝦蟇化鴉則雀化理觀埤雅雉好與蛇交則雉有化  
蜃之理况雀與蛙雉與蜃知覺頗類若螺蛤無口眼面鼻  
而豈雀雉之所化哉

爾雅曰在水者龜亦註云耿鼃也名青蛙大腹一名土鴨  
月令曰孟夏蜩螗鳴季秋雀入大水為蛤汲冢周書云立  
夏之日蜩螗鳴螗不鳴水潦淪漫埤雅曰蛙似蝦蟇而  
長跣瞋目似怒故俗呼怒蛙蓋其名替哇淫故曰蛙傳云

紫步蛙聲餘分閩位周禮秋官蠲氏掌去蛙鼃焚牡鞠以  
灰洒之則死以其烟被之則凡水虫無聲莊子云鼃蠃之  
衣生於陵屯則為陵鵠陵鵠卓前子也侯鯖錄云水雞蛙  
也水族中厥味可薦

蝻蝻一作

爾雅云蝻蝻蚤蝻註云即蝻也江東呼寒蝻一名曲蠶  
又名地龍一名物蠶吳楚之間謂之寒蠶埤雅云考工記  
註云蝻蝻却行蝻士精也其為物不息引而浸伸棟善緣  
引善引蛤介合蟹介解又曰蝻字一作蝻蓋蝻達于寅故  
从寅一名統蠶一名土龍善長吟于地下江東呼為歌女

又曰鳴砌孟子曰夫蚓上食槁壤下飲黃泉蓋以其無求于世也又曰魚無耳蟬無口蛇無足蚓無筋又曰蚯蚓土精無心之虫與蝻蟻交本草會編云蚯蚓應候而鳴方家謂之地龍爾雅謂之曲蟺夏月夜鳴于草底與阜螽同穴為雌雄五月五日收取堪為夫婦媚藥詩云嚶嚶草虫躍躍阜螽張衡云曲蟺鳴則阜螽跳是以蚓為草虫也阜螽即蝻蟻也

韻會云蚯蚓一名蚘蛭開州威山縣多蚘蛭虫後改為蚘蛭郡呂氏春秋云黃帝時大蚘大蟻如紅知土氣勝也故色尚黃汲冢周書解云立夏之日懷蠲鳴又五日蚯蚓出

蝮蝮不鳴水潦溼漫蝮蝮不出嬖孽居之冬之日蝮蝮結  
蝮蝮不結君改不行月令云孟夏蝮蝮出冬至蝮蝮結埤  
雅云蝮蝮穴居首陽下向陽動則穴而上首故其身結而  
屈也

水黽○本草云水黽亦名水馬長寸許羣遊水上水涸即  
飛食之令人不渴但有小毒能殺雞犬

水蠱○蟬史云水蠱似螳螂而小細身長腳生水中能化  
蜻蜓

水蟲○蟬史云水蟲一名魚蟲似人蟲而大長寸許生水  
中能化蜻蜓

蛭

爾雅云蛭蟻郭氏云今江東呼水中蛭虫入人肉者為蟻  
爾雅又云蛭噪至掌郭曰蛭有三名也本草云蛭微寒有  
毒一名蛭一作麒一名至掌畏石灰生水中者名小蛭亦  
名馬蟻生山中者名石蛭生草者名草蛭生泥中者名泥  
蛭並能着人及牛馬身上齧啞其血甚者入肉中產育為  
害大者長尺許人呼為牛馬蟻人觸之縮如拳頃之引伸  
而綴如絲剗也此物極難死火灸後經年得水尤能活石  
蛭等並頭尖腹麓不堪入藥若誤用之令人目中生烟不  
已漸致枯損也

卽君子○異物志云卽君子生南海有雌雄青碧色狀若杏仁欲驗真假先含口內令契然後放醋中雌雄相趁遂巡便合卽下其卵如粟粒狀真也婦人臨產手執之便生子

結瑜

蟬史云結瑜俗呼涎牛又名蜒蝥身有涎好游下濕處頭有二角如蝸牛而無殼大小不等白色或云是蝸牛之老者非也蜈蚣最忌之遇其涎輒脫足而死埤雅云南方積雨其涎書畫屋壁悉成銀跡卑濕如此

蛆

蟬史云蛆虫蠅所育也埤雅曰蠅儼蛆紫利蓋蛆初生如

粟米頃之長大善腐肉多生糞澗中及肉豉內皆有之  
水蛆○襍蛆云南中溪澗中多生水蛆至長寸許色黑夏  
溪變為蠶虫螫人甚毒或云段氏所言者大水蛆也今江  
浙間大如針者不能化蠶蟬史云水蛆俗呼虫虫生積水  
中屈伸反覆于水長二三分大如針夏月浮水面化為蚊  
雪蛆○草木子曰世間萬物無不生虫陰山以北積雪歷  
久不消其中生蛆名曰雪蛆大如欬味極甘美  
海蛆○蟬史云海蛆極細虫也能蝕海舩久則舩壞舟人  
以火藝舩底垂涎如臭涕蛆死矣  
負子○雜蛆云負子水虫也有子多負之

地防○本草云地防令人不飢不渴生黃陵虫似濡居水  
泥○蟬史云泥出東海純肉無骨名曰泥水中則活失水  
則醉如泥然故今人謂爛醉如泥也一名沙巽四明志云  
海塗中一物如牛蛭似牛腸臟頭長可五六寸胖軟如水  
虫無首無尾無目無皮骨但能蠕動触之則縮小如桃栗  
徐復擁腫去其涎腥亦可食名曰沙巽

蛔○蟬史云蛔一名燒一名枕虫人腹中虫也又一種名  
寸白虫亦人腹中虫也

應聲虫○生人腹中若有言小虫輒應之唯讀本草至藍  
則默然以藍汁飲之則嘔出肉塊長二寸餘人形悉具或



云服雷丸數粒即愈

疥虫○草木子曰疥有虫使明者針而取之其大不以半粟也膚革完全乃因人氣血不和而化生者

蜘蛛

方言曰龜鼈蝥也自關而西謂之龜蝥自關而東謂之龜鼈或謂之蝥蟪比燕朝鮮洌水間謂之蟪蟪郭註云齊人呼為杜公又名周公爾雅曰次蝥龜鼈鼈蝥蝥蝥郭註云江東呼為蝥蝥格物論云蜘蛛大腹深灰色長脚者名蠟蝥有赤班者名班蜘蛛有五色者埤雅曰蜘蛛結網網垂網破裂乃自食其故而易其新人以木屑投其網又能卸之

虫之智者也故字从知俗云倣蜘蛛而結網法蚌螺而閉戶結網以趨利閉戶以避害人物皆然字說曰設一面之網物觸而後食之蜘蛛義者也陶隱居曰蜘蛛一種赤斑者生山中及林落間皆有之名曰花蜘蛛一名絡新婦

### 蠅虎

蠅虎云蠅虎一名蠅豹似蝮蠍而無綴絡身黑色背邊有雙肉爪攫蠅而食之兩目似虎炯然有光說文謂之蠅蝗蠅蝟○爾雅註云蠅蝟長跣小龜鼈長脚者俗呼為喜子埤雅曰蠅蝟蕭梢長跣之貌亦能如龜鼈之布網但無條理垂絲着人衣當有喜荆州河內謂之喜母詩云蠅蝟在

尹荆楚歲時記云七夕陳瓜果庭中以乞巧有蟾子羅子  
瓜果上以為得巧東京夢華錄亦云賦

螳螂○爾雅云王蚨蟬郭云即螳螂似蜘蛛在穴中有蓋  
今河北呼蚨蟬郭氏又曰土蜘蛛在地布網者即螳螂也  
一名顛當本草云形似蜘蛛穴土為巢俗呼為顛當玉河  
北呼為蚨蟬草木子云顛當穴深如蚓穴網絲其中土蓋  
與地平常仰攷其蓋伺候蠅蠖過輒翻捕之繞入復閉與  
地一色並無絲線可尋也形似蜘蛛大如榆莢

蜘蛛○陶隱居曰蜘蛛在孔穴中及草木稠密處作網如  
蚕丝為幕絡就中間一門出入形段似蜘蛛而班小或曰

即所謂絡新婦蟬史云蚰身在籬落上及葉薈中作幕  
絡如人掌大四面蔽密中道一孔出入身蔽于內伺蠅蚋  
觸網則出撿食之形似蠅虎身有毛斑

壁錢虫○蟬史云壁錢虫似蜘蛛而身扁作白幕如錢着  
壁間土人呼為壁頭其抱子隔幕而伏生子百數折幕而  
出多居人家閣壁間一名扁螿一名萍鏡

八脚喜○蟬史云八脚螿似蜘蛛而最大不能布網就于  
腹下懸幕抱子能鬻有毒此虫十倍螿螿而見捕于螿螿  
如羊之過虎莫之敢抗

蠅

本草圖經云蠍名蚺蚺陶隱居曰蠍有雌雄雄者螫人痛止一處雌者痛牽諸處雄用井泥傅之雌用瓦屋溝上泥傅之本草云蠍毒在尾蠍前謂之螫後謂之蠶段成式曰鼠負虫巨者化為蠍蠍子多負于背俗呼為主簿虫蓋以江南因王主簿用竹筒遺其種也蟬史云蜩蛄規蠍守宮虫能捕蠍故名蠍虎或云蚺蜴亦能食之

蚺蚺

埤雅曰詩云蚺蚺在室蚺蚺甕器底虫形似衣魚而大一名鼠婦食之令人善淫鼠負陶隱居曰鼠在坎中背則負之一名鼠姑一名鼠黏因濕化生又謂之濕生爾雅曰蟠

鼠負郎註云甕器底虫又曰伊威委黍郎註云鼠婦別名也鄭箋云此物家無人則生襍俎云鼠負大者多化為蠹砂按子○本草云砂按子有毒殺飛禽走獸生砂石中作旋孔有虫子如大萱背有刺能倒行一名倒行狗子性好睡亦名睡虫生取之置枕令夫妻相好

蛸螺○廣雅云蛸螺井中小蛸蠖赤虫一名子子

食膠虫○襍俎云食膠虫夏月食松膠前脚傳之沒脚聶之內之尻中

益符○本草云益符虫一名無舌可嚙閉疾

愁虫○一統志云漢武至長平坂有虫盤而覆地色如生

肝頭口目鼻皆具東方朔曰此秦故獄慶始皇拘殺無辜  
憤氣所生也詩酒可以忘憂酒之酒遂消

異虫○襍俎云江州有一物如黃葉大尺餘眼遍其上每  
一眼底有鬚如釘人莫能識

謝豹○襍俎云魏州有虫名謝豹常在溪土中小類蝦蟇  
而負如毬見人以兩脚交覆首如羞狀能穴地飛鼠頃刻

深數尺或出地聽謝豹鳥聲則腦裂而死謝豹鳥印

溪狗○本草云溪狗似蝦蟇生南方溪石間尾三四寸

蝮蝮

爾雅云蝮天蝮註云蝮蝮也長小正曰蝮則鳴

埤雅云蝼蛄臭虫一名螿一名天蝼孫炎曰螿是雄者善  
鳴善飛雌者腹大羽小不能飛翔食風与土類後曰磨鉄  
致蛄汗羈引兔蝼灰除蠹蛤陽去伏言物之相關感有如  
是者方言曰蝼蛄謂之蝼蛄或謂之蝼蛄南楚謂之杜狗  
或謂之蝼蛄周官曰馬黑脊而盤臂蝼先儒云蝼蛄臭也  
傳所謂腥蝼而不可饗腥惡而不可親蓋出于此廣志小  
學篇云蝼蛄會稽謂之蝼蛄

本草云蝼蛄穴糞壤中而生夜出求食能含燈火而走俗  
呼偷火虫人夜見之多打殺之言其為鬼所使也一名螿  
廣雅云蝼蛄一名碩鼠孔穎達曰有五能而不能成技之



鼠也蔡邕曰碩鼠五能不成技苗子曰梧鼠三技而窮碩  
鼠自是一種蓋蝮蝮亦名碩鼠性相類耳